


# प्राकृत पाठ-चर्यानिका

प्रारम्भिक पाठ्यक्रम



भोगीलाल लहेरचन्द इन्स्टीट्यूट ऑफ इण्डोलॉजी, दिल्ली



राष्ट्रीय संस्कृत संस्थान, नई दिल्ली

मानव विश्वविद्यालय



Cover Design: Madhumangal Singh

The image on the cover is an Ashokan inscription in Prakrit language dating back to the third century BC. The inscription is on display in the Bhubaneswar Museum.

# प्राकृत पाठ-चयनिका

प्रारम्भिक पाठ्यक्रम





# प्राकृत पाठ-चयनिका

प्रारम्भिक पाठ्यक्रम

अखिल भारतीय ग्रीष्मकालीन प्राकृत भाषा  
एवं साहित्य अध्ययनशाला



भोगीलाल लहेरचन्द इन्स्टीट्यूट ऑफ इण्डोलॉजी, दिल्ली



राष्ट्रीय संस्कृत संस्थान, नई दिल्ली मानित विश्वविद्यालय

## **प्रकाशक**

**भोगीलाल लहेरचन्द इन्स्टीट्यूट ऑफ इण्डोलॉजी, दिल्ली**

एवम्

**राष्ट्रीय संस्कृत संस्थान (मानित विश्वविद्यालय),**

**५६-५७, इन्स्टीट्यूशनल एरिया, जनकपुरी,**

**नई दिल्ली ११००५८**

## **प्रथम संस्करण**

**मई २०१२**

## **प्राप्ति स्थान**

**बी. एल. इन्स्टीट्यूट ऑफ इण्डोलॉजी**

**विजय वल्लभ स्मारक, जैन मन्दिर कॉम्प्लेक्स,**

**२०वाँ किमी. जी. टी. करनाल रोड,**

**पोस्ट अलीपुर, दिल्ली ११००३६**

**फोन : ०११-२७२०२०६५, २७२०६६३०**



## भूमिका

प्राचीन भारतीय भाषाओं में प्राकृत भाषा अनेक शताब्दियों तक भारतीय जनमानस की प्रमुख जनभाषा रही है। सम्पूर्ण भारतीय भाषायें इनका साहित्य, इतिहास, संस्कृति परम्परायें, लोक-जीवन और जन-मन-गण इससे प्रभावित एवं ओत-प्रोत है। यही कारण है कि प्राकृत भाषा को अनेक भारतीय भाषाओं की जननी होने का गौरव प्राप्त है। साहित्य सर्जना के रूप में सर्वाधिक प्राचीन वैदिक भाषा में भी प्राकृत भाषा के अनेक तत्त्व प्राप्त होते हैं। इससे लगता है कि उस समय भी बोलचाल की लोक-भाषा के रूप में प्राकृत जैसी कोई जन-भाषा निश्चित ही प्रचलन में रही होगी। इसी जन-भाषा को अपने उपदेशों और धर्म प्रचार का माध्यम बनाकर तीर्थंकर महावीर और भगवान बुद्ध भाषायी क्रान्ति के पुरोधा कहलाये।

यही कारण है कि ईसा पूर्व छठी शताब्दी से लेकर वर्तमान काल तक प्राकृत भाषा में धर्म-दर्शन, तत्त्वज्ञान, अलंकार-शास्त्र, सामाजिक विज्ञान, इतिहास-कला-संस्कृति, गणित, ज्योतिष, भूगोल-खगोल, वास्तुशास्त्र, मूर्तिकला एवं जीवन मूल्यों आदि से संबन्धित अनेक विधाओं एवं आगम एवं इसकी व्याख्या से सम्बन्धित साहित्य की सर्जना समृद्ध रूप में होती आ रही है और यह क्रम आज भी प्रवर्तमान है।

किन्तु आश्चर्य है कि जो स्वयं अनेक वर्तमान भाषाओं की जननी है और लम्बे काल तक जनभाषा के रूप में राष्ट्रभाषा के पद पर प्रतिष्ठित रही — राष्ट्र की वह बहुमूल्य धरोहर प्राकृत आज इतनी उपेक्षित हैं क्यों इसे आज अपनी अस्मिता एवं पहचान बनाने और मूलधारा से जुड़ने हेतु संघर्ष करना पड़ रहा है? इन्हीं प्रश्नों के समाधान हेतु एक विनम्र प्रशस्त, किन्तु प्रयास पिछले चौबीस वर्षों से निरन्तर जारी रखते हुए एक इतिहास की सर्जना में बी. एल.इन्स्टीट्यूट ऑफ इण्डोलॉजी संलग्न है।

बी. एल. इन्स्टीट्यूट ऑफ इण्डोलॉजी के नाम से प्रसिद्ध दिल्ली के

विजय वल्लभ स्मारक जैन मंदिर के विशाल प्रांगण में स्थित “भोगीलाल लहेरचन्द इन्स्टीट्यूट ऑफ इण्डोलॉजी” भारतीय प्राच्य विद्याओं का एक अन्तर्राष्ट्रीय ख्याति प्राप्त अध्ययन एवं शोध संस्थान है। अनेक राष्ट्रीय एवं अन्तर्राष्ट्रीय संगोष्ठियों, व्याख्यानमालाओं एवं पुरस्कारों के आयोजन, लगभग पच्चीस हजार से अधिक प्राचीन हस्तलिखित पाण्डुलिपियों के विशाल शास्त्र-भण्डार का संरक्षण, पुरातत्त्व संग्रहालय की स्थापना, अनेक दुर्लभ एवं महत्त्वपूर्ण ग्रन्थों का प्रकाशन, मुद्रित ग्रन्थों के समृद्ध पुस्तकालय की सुविधा जैसी अनेक गतिविधियों द्वारा भारतीय विद्याओं एवं भाषाओं के व्यापक प्रचार-प्रसार के कारण इस संस्थान ने वैश्विक स्तर पर अपनी प्रतिष्ठापरक पहचान बनाई है।

सम्पूर्ण देश में यही एकमात्र शोध संस्थान है, जिसने अपने स्थापन काल से ही प्राकृत भाषा एवं साहित्य के व्यापक प्रचार-प्रसार एवं इसके अध्ययन हेतु शिक्षण-प्रशिक्षण का प्रभावी कदम उठाया और पिछले चौबीस वर्षों से प्रतिवर्ष निरन्तर ग्रीष्मकालीन प्राकृत भाषा और साहित्य के गहन अध्ययन हेतु इक्कीस दिवसीय कार्यशालाओं का आयोजन कर सम्पूर्ण देश से समागत उच्च शिक्षा संस्थानों के प्राध्यापक, शोध-छात्र एवं प्राकृत अध्ययन के इच्छुक अन्य सुयोग्य प्रतिभागियों को यह संस्थान अपनी ओर से सभी सुविधाएँ प्रदान करता है।

इन्हीं प्राकृत अध्ययन शालाओं में विद्वानों के लम्बे अनुभव और अनेक बदलाओं के बाद प्राकृत भाषा और साहित्य के अध्ययन हेतु यह प्रारम्भिक (Elementary) पाठ्यक्रम तैयार किया गया है। इस पाठ्यक्रम की अपनी यह विशेषता है कि इसे व्याकरण के मुख्य आधार पर पढ़ाया जाता है, जिससे उस पाठ के भाव ग्रहण के साथ ही उसमें सन्निहित विभिन्न प्राकृतों का स्वरूप और उनके व्याकरण पक्ष का भी विशेष प्रशिक्षण हो जाए ताकि प्राकृत साहित्य के किसी भी ग्रन्थ को समझने का मार्ग प्रशस्त हो।

जब यहाँ से प्रशिक्षित और कालेजों, विश्वविद्यालयों में पढ़ाने वाले



विद्वान् संस्कृत नाटकों में विद्यमान अधिकांश प्राकृत सम्वादों का उनकी संस्कृतच्छाया के आधार पर नहीं, अपितु मूल प्राकृत भाषा के ही आधार पर अर्थ समझाते हैं और गर्व से कहते हैं कि हमने प्राकृत भाषा और साहित्य का यह प्रशिक्षण बी. एल. इन्स्टीट्यूट ऑफ इण्डोलॉजी से प्राप्त किया है, तब हमें गौरवपूर्ण प्रसन्नता और सार्थकता का विशेष अनुभव होता है। पिछले चौबीस वर्षों में प्रशिक्षित ऐसे ही शताधिक विद्वानों में अनेक विद्वानों से जब हम यह भी सुनते हैं कि प्राकृत भाषा और साहित्य में इक्कीस दिनों में हम जो प्रवीणता यहाँ प्राप्त कर लेते हैं, वह २-३ वर्षों में भी अन्यत्र सम्भव नहीं है, तब हमें इस दिशा में विशेष कार्य करने का अनुपम उत्साह प्राप्त होता है।

प्रस्तुत पाठ्यक्रम की पुस्तक के रूप में प्रकाशन की काफी समय से प्रतीक्षा रही जो अब राष्ट्रीय संस्कृत संस्थान (मानित विश्वविद्यालय नई दिल्ली, मानव संसाधन मंत्रालय, भारत सरकार के अधीन) के सर्वविध सहयोग से पूर्ण हो रही है। इस हेतु यशस्वी एवं माननीय कुलपति प्रो. राधावल्लभ त्रिपाठी के हम सभी बहुत कृतज्ञ हैं।

इसे तैयार करने में प्राकृत-संस्कृत एवं अपभ्रंश भाषा और साहित्य के अनेक अनुभवी एवं उच्च कोटि के विद्वानों का विशेष सहयोग प्राप्त रहा है। प्राच्य भारतीय विद्याओं के सुविख्यात मनीषी प्रो. गयाचरण त्रिपाठी (राष्ट्रीय अध्येता, भारतीय उच्च अध्ययन संस्थान, शिमला) के विशिष्ट मार्गदर्शन एवं सहयोग के प्रति हम सभी के मन में कृतज्ञता के भाव विद्यमान हैं। हमारे संस्थान के सम्माननीय उपाध्यक्ष एवं सुप्रसिद्ध विद्वान् डॉ. जितेन्द्र बी. शाह एवं अन्य सभी ट्रस्टियों के विशेष आभारी हैं। हमें उन सुझावों की भी प्रतीक्षा रहेगी, जिनसे यह पाठ्यक्रम और भी बहुउद्देशीय बन सके।

श्रुत पंचमी, २०१२

— प्रो. फूलचन्द जैन प्रेमी  
निदेशक,

बी. एल. इन्स्टीट्यूट ऑफ इण्डोलॉजी, दिल्ली - ३६

**SYLLABUS FOR  
Elementary Course**

**विषय सूची**

Text	Page No.
POETRY	
1. Ācārāṅga-sūtra आचाराङ्गसूत्र – राढ़देशे महावीरः	11
2. Sūtra-kṛtāṅga-sūtra सूत्रकृताङ्गसूत्र – अणगारकिच्चाइं	14
3. Uttarādhyayana-sūtra उत्तराध्ययनसूत्र – प्रथमम् अध्ययनम् – विणयसुयं	17
4. Paumacariyam पउमचरियं – रक्खस-वाणरपव्वज्जाविहाणाहियारो	20
5. Pravacanasāra पवयणसारो – प्रवचनसार	26
6. Kumārapālacarita कुमारपालचरितम् – सप्तमः सर्गः	29
7. Kumārapālacarita कुमारपालचरितम् – अष्टमः सर्गः	33



PROSE

- |  |    |
|--|----|
| 8. Jñātr̥dharmakathā                     | 36 |
| णायाधम्मकहाओ – चउत्थं अज्झयणं – कुम्मे   |    |
| 9. Upāsakadaśā-sūtra                     | 39 |
| उपासकदशासूत्र – सत्तमं सद्दालपुत्तज्झयणं |    |
| 10. Vasudeva Hindī                       | 50 |
| वसुदेवहिण्डी – बीओ सामलीलंभो             |    |
| 11. Jacobi's Selected Narratives         | 53 |
| मूलदेव-कहा                               |    |

DRAMA

- |  |    |
|--|----|
| 12. महाराष्ट्री श्लोक संग्रह – अभिज्ञानशाकुन्तलम्                  | 65 |
| 13. विदूषक-विलापः – अभिज्ञानशाकुन्तलम्                             | 66 |
| 14. राज्ञःसमीपे धीवरस्यानयनम् –<br>अभिज्ञानशाकुन्तलम् – षष्ठोऽङ्कः | 67 |









## आचाराङ्गसूत्र

राढदेशे महावीरः

१. तणफास सीतफासे य तेउफासे य दंसमसगे य ।  
अहियासते सया समिते फासाइं विरूवरूवाइं ॥ १ ॥
२. अह दुच्चरलाढमचारी वज्जभूमिं च सुब्भभूमिं च ।  
पंतं सेज्जं सेविंसु आसणगाइं चेव पंताइं ॥ २ ॥
३. लाढेहिं तस्सुवसग्गा बहवे जाणवया लूसिंसु ।  
अह लूहदेसिए भत्ते कुक्कुरा तत्थ हिंसिंसु णिवतिंसु ॥ ३ ॥
४. अप्पे जणे णिवारेति लूसणए सुणए डसमाणे ।  
छुच्छुकारेति आहंतु समणं कुक्कुरा दसंतु त्ति ॥ ४ ॥
५. एलिक्खए जणे भुज्जो बहवे वज्जभूमिं फरुसासी ।  
लट्ठिं गहाय णालीयं समणा तत्थ एव विहरिंसु ॥ ५ ॥
६. एवं पि तत्थ विहरंता पुट्टपुव्वा अहेसि सुणएहिं ।  
संलुंचमाणा सुणएहिं दुच्चरगाणि तत्थ लाढेहिं ॥ ६ ॥
७. णिधाय डंडं पाणेहिं तं वोसज्ज कायमणगारे ।  
अह गामकंटए भगवं ते अधियासए अभिसमेच्चा ॥ ७ ॥

12 प्राकृत पाठ-चयनिका

८. णाओ संगामसीसे वा पारए तत्थ से महावीरे ।  
एवं पि तत्थ लाढेहिं अलद्धपुव्वो वि एगदा गामो ॥ ८ ॥
९. उवसंकमंतमपडिण्णं गामंतियं पि अपत्तं ।  
पडिणिक्खमित्तु लूसंसु एत्तातो परं पलेहि त्ति ॥ ९ ॥
१०. हतपुव्वो तत्थ डंडेणं अदुवा मुट्ठिणा अदु फलेणं ।  
अदु लेलुणा कवालेणं हंता हंता बहवे कंदिंसु ॥ १० ॥
११. मंसूणि छिण्णपुव्वाइं उट्ठभियाए एगदा कायं ।  
परिस्सहाइं लुंचिंसु अदुवा पंसुणा अवकरिंसु ॥ ११ ॥
१२. उच्चालइय णिहणिंसु अदुवा आसणावो खलइंसु ।  
वोसट्ठकाए पणतासी दुक्खसहे भगवं अपडिण्णे ॥ १२ ॥
१३. सूरुो संगामसीसे वा संवुट्ठे तत्थ से महावीरे ।  
पडिसेवमाणो फरुसाइं अचले भगवं रीयित्था ॥ १३ ॥
१४. एस विही अणुक्कंतो माहणेण मतीमता ।  
बहुसो अपडिण्णेणं भगवया एवं रीयति ॥ १४ ॥ त्ति बेमि ।
१५. ओमोदरियं चाएति अपुट्ठे वि भगवं रोगेहिं ।  
पुट्ठे व से अपुट्ठे वा णो से सातिज्जती तेइच्छं ॥ १५ ॥
१६. संसोहणं च वमणं च गायब्भंगणं सिणाणं च ।  
संबाहणं न से कप्पे दंतपक्खालणं परिण्णाए ॥ १६ ॥
१७. विरते य गामधम्महिं रीयति माहणे अबहुवादी ।  
सिसिरंसि एगदा भगवं छायाए झाति आसी य ॥ १७ ॥
१८. आयावइ य गिम्हाणं अच्छति उक्कुडए अभितावे ।  
अदु जावइत्थ लूहेणं ओयण-मंथु-कुम्मासेणं ॥ १८ ॥

१९. एताणि तिण्ण पडिसेवे अट्ट मासे अ जावए भगवं ।  
अपिइत्थ एगदा भगवं अद्धमासं अदुवा मासं पि ॥ १९ ॥
२०. अवि साहिए दुवे मासे छप्पि मासे अदुवा अपिवित्था ।  
राओवरातं अपडिण्णे अण्णगिलायमेगता भुंजे ॥ २० ॥
२१. छट्टेण एगया भुंजे अदुवा अट्टमेण दसमेण ।  
दुवालसमेण एगदा भुंजे पेहमाणे समाहिं अपडिण्णे ॥ २१ ॥
२२. णच्चाण से महावीरे णो वि य पावगं सयमकासी ।  
अण्णेहिं वि ण कारित्था कीरंतं पि णाणुजाणित्था ॥ २२ ॥
२३. गामं पविस्स णगरं वा घासमेसे कडं परट्टाए ।  
सुविसुद्धमेसिया भगवं आयतजोगताए सेवित्था ॥ २३ ॥
२४. अदु वायसा दिगिंछत्ता जे अण्णे रसेसिणो सत्ता ।  
घासेसणाए चिट्ठंते सययं णिवतिते य पेहाए ॥ २४ ॥



२

## सूत्रकृताङ्गसूत्र

अणगारकिच्चाइं

१. गंथं विहाय इह सिक्खमाणो, उट्ठाय सुबभंचेरं वसेज्जा ।  
उवायकारो विणयं सुसिक्खे, जे छेयए विप्पमायं न कुज्जा ॥ १ ॥
२. जहा दिया पोतमपत्तजातं, सावासगा पविउं मन्नमाण ।  
तमंचाइयं तरुणमत्तजातं, ढंकाइ अब्बत्तगमं हरेज्जा ॥ २ ॥
३. एवं तु सेहं पि अपुट्ठधम्मं, निस्सारियं बुसिमं मन्नमाणा ।  
दियस्स छावं च अपत्तजायं, हरिसु णं पावधम्मा अणेगे ॥ ३ ॥
४. ओसाणमिच्छे मणुए समाहिं, अणोसिए णंतकरे ति णच्चा ।  
ओभासमाणे दधियस्स वित्तं, न निक्कसे बहिया आसुपन्नो ॥ ४ ॥
५. जे ठाणओ य सयणासणे य, परक्कमे यावि सुसाहुजुत्ते ।  
समितीसु गुत्तीसु य आयपन्ने, बियागरेंते य पुढो वएज्जा ॥ ५ ॥
६. सद्दाणि सोच्चा अदु भेरवाणि, अणासवे तेसु परिव्वएज्जा ।  
निहं च भिक्खू न पमाय कुज्जा, कहंकहं वा वित्तिगिच्छ तिन्ने ॥ ६ ॥
७. डहरेण वुड्ढेण णुसासिए उ, <sup>सुत्तिकेण अपि</sup> रायणिएणावि समव्वएण ।  
सम्मं तयं थिरतो नाभिगच्छे, निज्जंतए वा वि अपारए से ॥ ७ ॥

८. विउट्टितेणं समयणुसिद्धे, डहरेण बुद्धेण य चोइए य ।  
अच्चुट्टियाए घडदासिए वा, अगारिणं वा समयणुसिद्धे ॥ ८ ॥
९. न तेसु कुज्जे, न य पव्वहेज्जा, न यावि किंची फरुसं वदेज्जा ।  
तहा करिस्सं त्ति पडिस्सुणेज्जा, सेयं खु मेयं न पमाय कुज्जा ॥ ९ ॥
१०. वर्णसि मूढस्स जहा अमूढा, मग्गाणुसासंति हितं पयाणं ।  
तेणेव मज्झं इणमेव सेयं, जं मे बुहा समणुसासयंति ॥ १० ॥
११. अह तेण मूढेण अमूढगस्स, कायव्व पूया सविसेसजुत्ता ।  
एओवमं तत्थ उदाहु वीरे, अणुगम्म अत्थं उवणेति सम्मं ॥ ११ ॥
१२. णेता जहा अंधकारंसि राओ, मग्गं ण जाणाति अपस्समाणे ।  
से सूरियस्स अब्भुग्गमेणं, मग्गं वियाणाइ पगासियंसि ॥ १२ ॥
१३. एवंतु सेहे वि अपुट्ठधम्मे, धम्मं न जाणाइ अबुज्झमाणे ।  
से कोविए जिणवयणेण पच्छा, सूरुदए पासति चक्खुणेव ॥ १३ ॥
१४. उड्ढं अहे य तिरियं दिसासु, तसा य जे थावरा जे य पाणा ।  
सया जए तेसु परिव्वएज्जा, मणप्पओसं अविकंपमाणे ॥ १४ ॥
१५. कालेण पुच्छे समियं पयासु, आइक्खमाणो दवियस्स वित्तं ।  
तं सोयकारो पुढो पवेसे, संखा इमं केवलियं समाहिं ॥ १५ ॥
१६. असिसं सुठिच्चा तिविहेण ताई, एएसु या संतिनिरोहमाहु ।  
ते एवमक्खंति तिलोगदंसो, ण भुज्जमेयंति पमायसंगं ॥ १६ ॥
१७. निसम्म से भिक्खु समीहियट्ठं, पडिभाणवं होइ विसारए य ।  
आयाणअट्ठी वोदाणमोणं, उवेच्च सुद्धेण उवेति मोक्खं ॥ १७ ॥
१८. संखाइ धम्मं च वियागरंति, बुद्धा हु ते अंतकरा भवंति ।  
ते पारगा दोण्ह वि मोयणाए, संसोधितं पगहमुदाहरंति ॥ १८ ॥



१९. नो छायाए नो वि य लूसएज्जा, माणं न सेवेज्ज पगासणं च ।  
न यावि पण्णे परिहास कुज्जा, न यासियावाय वियागरेज्जा ॥ १९ ॥
२०. भूताभिसंकाइ दुगुंछमाणे, ण णिव्वहे मंतपदेण गोयं ।  
ण किंचि मिच्छे मणुए पयासु, असाहुधम्माणि ण संवएज्जा ॥ २० ॥
२१. से सुद्धसुत्ते उवहाणवं च, धम्मं च जे विंदति तत्थ तत्थ ।  
आदेज्जवक्के कुसले वियत्ते, स अरिहइ भासिउं तं समाहिं ॥ २१ ॥



# 3

## उत्तराध्ययनसूत्र

प्रथमम् अध्ययनम् – विणयसुयं

१. संजोगा विप्पमुक्कस्स अणगारस्स भिक्खुणो ।  
विणयं पाउकरिस्सामि आणुपुब्बिं सुणेह मे ॥ १ ॥
२. आणानिहेसकरे गुरूणमुववायकारे ।  
इंगियागारसंपन्ने से विणीए त्ति वुच्चई ॥ २ ॥
३. आणानिहेसकरे गुरूणमणुववायकारे ।  
पडणीए असंबुद्धे अविणीए त्ति वुच्चई ॥ ३ ॥
४. जहा सुणी पूइकणी निक्कसिज्जइ सव्वसो ।  
एवं दुस्सीलंपडिणीए मुहरी निक्कसिज्जई ॥ ४ ॥
५. कणकुण्डगं चइत्ताणं विट्ठं भुंजइ सूयरे ।  
एवं सीलं चइत्ताणं दुस्सीले रमई मिए ॥ ५ ॥
६. सुणिया भावं साणस्स सूयरस्स नरस्स य ।  
विणए ठवेज्ज अप्पाणमिच्छन्तो हियमप्पणो ॥ ६ ॥
७. तम्हा विणयमेसिज्जा सीलं पडिलभेज्जए ।  
बुद्धपुत्त नियागट्ठी न निक्कसिज्जइ कणहुई ॥ ७ ॥

८. निसन्ते सियामुहरी बुद्धाणम् अन्ति ए सया ।  
अट्टजुत्ताणि सिक्खिज्जा निरट्टाणि उ वज्जए ॥ ८ ॥
९. अणुसासिउ न कुप्पिज्जा खंतिं सेविज्ज पणिडए ।  
खुड्डेहिं सह संसगिं हासं कीडं च, वज्जए ॥ ९ ॥
१०. मा य चण्डालियं कासी बहुयं मा य आलवे ।  
कालेण य अहिज्जित्ता तउ झाइज्ज एगगो ॥ १० ॥
११. आहच्च चण्डालियं कट्टु न निणहविज्ज कयाइ वि ।  
कडं कडे त्ति भासेज्जा अकडं नो कडे त्ति य ॥ ११ ॥
१२. मा गलियस्से व कसं वयणमिच्छे पुणो पुणो ।  
कसं व दट्टुमाइणे पावगं परिवज्जए ॥ १२ ॥
१३. अणासवा थूलवया कुसीला, मिउं पि चण्डं पकरिन्ति सीसा ।  
चित्ताणुया लहु दक्खोववेया पसायए ते हु दुरासयं पि ॥ १३ ॥
१४. नापुट्टो वागरे किंचि पुट्टो वा नालियं वए ।  
कोहं असच्चं कुव्वेज्जा धारेज्जा पियमप्पियं ॥ १४ ॥
१५. अप्पा चेव दमेयव्वो अप्पा हु खलु दुद्दमो ।  
अप्पा दन्तो सुही होइ अस्सिं लोए परत्थ य ॥ १५ ॥
१६. वरि मे अप्पा दन्तो संजमेण तवेण य ।  
माहं परेहि दम्मन्तो बन्धणेहि वहेहि य ॥ १६ ॥
१७. पडणीयं च बुद्धाणं वाया अदुव कम्मणा ।  
आवी वा जइ वा रहस्से नेव कुज्जा कयाइ वि ॥ १७ ॥
१८. न पक्खउ न पुरउ नेव किच्चाण पिट्टउ ।  
न जुंजे ऊरुणा ऊरुं सयणे नो पडिस्सुणे ॥ १८ ॥

१९. नेव पल्हत्थियं कुज्जा पक्खपिण्डं च संजए ।  
पाए पसारिए वावि न चिट्ठे गुरुणन्तिए ॥ १९ ॥
२०. आयारिएहिं वाहित्तो तुसिणीउ न कयाइ वि ।  
पसायपेही नियागट्ठी उवचिट्ठे गुरुं सया ॥ २० ॥
२१. आलवन्ते लवन्ते वा न निसीएज्ज कयाइ वि ।  
चइऊणमासणं धीरो जउ जत्तं पडिस्सुणे ॥ २१ ॥
२२. आसणगउ न पुच्छेज्जा नेव सेज्जागउ कया ।  
आगम्मुक्कुडुउ सन्तो पुच्छिज्जा पंजलीउडो ॥ २२ ॥
२३. एवं विणयजुत्तस्स सुत्तं अत्थं च तदुभयं ।  
पुच्छमाणस्स सीसस्स वागरिज्ज जहासुयं ॥ २३ ॥
२४. मुसं परिहरे भिक्खू न य ओहारिणिं वए ।  
भासादोसं परिहरे मायं च वज्जए सया ॥ २४ ॥
२५. न लवेज्ज पुट्ठो सावज्जं न निरट्ठं न मम्मयं ।  
अप्पणट्ठा परट्ठा वा उभयस्सन्तरेण वा ॥ २५ ॥
२६. समरेसु अगारेसु सन्धीसु य महापहे ।  
एगो एगत्थिए सद्धिं नेव चिट्ठे न संलवे ॥ २६ ॥
२७. जम्मे बुद्धाणुसासन्ति सीएण फरुसेण वा ।  
मम लाभो त्ति पेहाए पयउ तं पडिस्सुणे ॥ २७ ॥





## पउमचरियं

रक्खस-वाणरपव्वज्जाविहाणाहियारो

वानरवंशः-

१. एसो ते परिकहिओ, रक्खसवंसो मए समासेणं ।  
एत्तो सुणाहि नरवइ! वाणरवंसस्स उप्पत्ती ॥ १ ॥
२. वेयड्डनगवरिन्दे, मेहपुरं दक्खिणाएँ सेढीए ।  
विज्जाहरसामन्तो, अहइन्दो अत्थि विक्खाओ ॥ २ ॥
३. भज्जा य सिरिमई से, सिरिकण्ठो तीएँ गब्भसंभूओ ।  
पुत्तो महागुणधरो, देवकुमारोवमसिरीओ ॥ ३ ॥
४. देवि त्ति नाम कन्ना, सिरिकण्ठसहोयरा विसालच्छी ।  
सयलम्मि जीवलोए, रूवपडागा महिलियाणं ॥ ४ ॥
५. अह रयणपुराहिवई, वीरो पुप्फुत्तरो महाराया ।  
तस्स गुणेहि सरिच्छो, पुत्तो पउमुत्तरो नाम ॥ ५ ॥
६. सिरिकण्ठनिययबहिणी, मग्गइ पुप्फुत्तरो सुयनिमित्तं ।  
न य तेण तस्स दिन्ना, दिन्ना सा कित्तिधवलस्स ॥ ६ ॥



७. वितो चिय वीवाहो, दोणह वि विहिणा महासमुदएणं ।  
सोऊण तन्निमित्तं, रुट्ठो पुप्फुत्तरो राया ॥७॥
८. अह अन्नया कयाई, सिरिकण्ठो वन्दणाएँ देवगिरिं ।  
गन्तूण पडिनियत्तो, पेच्छइ कन्नं वरुज्जाणे ॥८॥
९. तीए वि सो कुमारो, दिट्ठो कुसुमाउहो व रूवेण ।  
दोणहं पि समणुरागो, तक्खणमेत्तेण उप्पन्नो ॥९॥
१०. मुणिकुण तीएँ भावं, हरिसवसुब्भिन्नदेहरोमञ्जो ।  
अवगूहिकुण कन्नं, उप्पइओ नहयलं तुरिओ ॥१०॥
११. पुप्फुत्तरो नरिन्दो, सिट्ठे चेडीहि नियसुयासमग्गो ।  
सन्नद्धबद्धकवओ, मग्गेण पहाविओ तस्स ॥११॥
१२. बहुसत्थ-नीइकुसलो, सिरिकण्ठो जाणिकुण परमत्थं ।  
लङ्कापुरिं पविट्ठो, सरणं चिय कित्तिधवलस्स ॥१२॥
१३. संभासिओ सिणेहं, रक्खसवइणा पहट्टमणसेणं ।  
सिट्ठं च जहावत्तं, कन्नाहरणाइयं सव्वं ॥१३॥
१४. ताव च्चिय गयणयले, गयवर-रह-जोह-तुरयसंघट्ठं ।  
उत्तरदिसाएँ पेच्छइ, एज्जन्तं साहणं विउलं ॥१४॥
१५. कित्तिधवलेण दूओ, पेसविओ महुर-सामवयणेहिं ।  
अह सो वि तुरियचवलो, सिग्घं पुप्फत्तरं पत्तो ॥१५॥
१६. काऊण सिरपणामं, दूओ तं भणइ महुरवयणेहिं ।  
कित्तिधवलेण सामिय !, विसज्जिओ तुज्झ पासम्मि ॥१६॥
१७. उत्तमकुलसंभूओ, उत्तमचरिएहि उत्तमो सि पहु ।  
तेणं चिय तेलोक्के, भमइ जसो पायडो तुज्झ ॥१७॥

१८. अह भणइ कित्तिधवलो, सामि ! निसामेहि मज्झ वयणाइं ।  
सिरिकण्ठो य कुमारो, उत्तमकुल-रूवसंपन्नो ॥ १८ ॥
१९. उत्तमपुरिसाण जए, संजोगो होइ उत्तमेहि समं ।  
अहमाण मज्झिमाण य, सरिसो, सरिसेहि वा होज्जा ॥ १९ ॥
२०. सुट्ठु वि रक्खिज्जन्ती, थुथुक्कियं रक्खिया पयत्तेणं ।  
होही परसोवत्था, खलयणरिद्धि व वरकन्ना ॥ २० ॥
२१. दोण्णिण वि उत्तमवंसा, दोण्णिण वि वयसाणुगुरूवसोहाइं ।  
एयाण समाओगो, होउ अविग्घं नराहिवई ! ॥ २१ ॥
२२. जुज्झेण नत्थि कज्जं, बहुजणघाएण कारिएण पहू ! ।  
परगेहसेवणं चिय, एस सहावो महिलियाणं ॥ २२ ॥
२३. एवं चिय वट्टन्ते, उल्लावे ताव आगया दूई ।  
नमिऊण चलणकमले, विज्जाहरपत्थिवं भणइ ॥ २३ ॥
२४. अह विन्नवेइ पउमा, सामि ! तुमं चलणवन्दणं काउं ।  
सिरिकण्ठस्स नराहिव ! थेवो वि हु नत्थि अवराहो ॥ २४ ॥
२५. सयमेव मए गहिओ, एसो कम्माणुभावजोएण ।  
अन्नस्स मज्झ नियमो, नरस्स एयं पमोत्तूणं ॥ २५ ॥
२६. बहुसत्थ-नीइकुसलो, राया परिचिन्तिऊण हियएणं ।  
दाऊण तस्स कन्नं, निययपुरं पत्थिओ सिग्घं ॥ २६ ॥
२७. मग्गसिरसुद्धपक्खे, नक्खत्ते सोहणे तओ दियहे ।  
वत्तं पाणिग्गहणं, अणन्नसरिसं वसुमईए ॥ २७ ॥
२८. अह भणइ कित्तिधवलो सिरिकण्ठं तिब्बनेहपडिबद्धो ।  
मा वच्चसु वेयड्ढं, तत्थ तुमं वेरिया बहवे ॥ २८ ॥

२९. अत्थेत्य लवणतोए, दीवो मणि-रयणकिरणविच्छुरिओ ।  
कप्पतरुसन्निहेहिं, संछन्तो पायवगणेहिं ॥ २९ ॥
३०. भीमा-ऽइभीमहेउं, दक्खिण्णं सुरवरेहि काऊण ।  
पुव्वं चिय अणुणाया, खेयरवसहा इहं दीवे ॥ ३० ॥
३१. दीवो संझावेलो, मणपल्हाओ सुवेलकणयहरी ।  
नामं सुओवणो वि ये, जलअज्झाओ य हंसो य ॥ ३१ ॥
३२. नामेण अब्धसग्गो, उक्कडवियडो त्थ रोहणो अमलो ।  
कन्तो फुरन्तरयणो, तोयवलीसो अलङ्को य ॥ ३२ ॥
३३. दीवो नभो य भाणू, खेमो य हवन्ति एवमाईया ।  
निच्चं मणाभिरामा, आसन्ने देवरमणिज्जा ॥ ३३ ॥
३४. अवरुत्तराएँ एत्तो, दिसाएँ तिण्णेव जोयणसयाइं ।  
लवणजलमज्झयारे, वाणरदीवो त्ति नामेणं ॥ ३४ ॥
३५. तत्थऽच्छसु वीसत्थो, काऊण पुरं महागुणसमिद्धं ।  
बन्धवजणेण सहिओ, सुरवरलीलं विडम्बन्तो ॥ ३५ ॥
३६. चेतस्स पढमदिवसे, सिरिकण्ठो निग्गओ सपरिवारो ।  
रह-गय-तुरयसमग्गो, दीवाभिमुहो समुप्पइओ ॥ ३६ ॥
३७. पेच्छइ महासमुद्धं, संघट्टुट्टन्तवीइ-कल्लोलं ।  
गाहसहस्सावासं, आगासं चेव वित्थिण्णं ॥ ३७ ॥
३८. संपत्तो च्चिय दट्ठुं, दीवं वररयणसंपयसमिद्धं ।  
ओइण्णो सिरिकण्ठो, तत्थ निविट्ठो मणिसिलासु ॥ ३८ ॥
३९. वज्जिन्दनील-मरगय-पूसमणी-पउमरायकन्तीए ।  
लक्खिज्जइ बहुवण्णो, दीवो किरणाणुवालीए ॥ ३९ ॥

४०. नाणाविहतरुणतरुभवेहि कुसुमेहि पञ्चवणोहिं ।  
भसलीकओ व्व नज्जइ, निज्जर-गिरिविविहकुहरेहिं ॥ ४० ॥
४१. पण्डुच्छुवाडपउरो, सहावसंपन्नदीहियाकलिओ ।  
वरकमलकेसरारुण-लवङ्गन्धेण सुसुयन्धो ॥ ४१ ॥
४२. अह पत्तो विहरन्तो, दीवं सव्वायरेण सिरिकण्ठो ।  
पेच्छइ य वाणरगणे, सव्वत्तो माणुसायारे ॥ ४२ ॥
४३. घेत्तूण ताण सव्वं, करणिज्जं खाण-पाणमाईयं ।  
कारावियं च सिग्घं, कीलणहेउं नरिन्देण ॥ ४३ ॥
४४. नच्चन्ति य वग्गन्ति य, जूवाउलयन्ति अन्नमन्नस्स ।  
वाणरचडुलसहावा, जाया अइवल्लहा तस्स ॥ ४४ ॥
४५. किक्किन्धिपव्वओवरि, भवण-ऽट्टालय-सुवण्णपायारं ।  
चोहसजोयणविउलं, किक्किन्धिपुरं कयं तेण ॥ ४५ ॥
४६. पासाय-तुङ्गतोरण-मणिरयणमऊहभत्तिविच्छुरियं ।  
अमरपुरस्स व सोहं, हाऊण व होज्ज निम्मवियं ॥ ४६ ॥
४७. जं जं जणो वि मग्गइ, उवगरणा-ऽऽभरण-भोयणाईयं ।  
तं तत्थ हवइ सव्वं, विज्जाभावेण सन्निहियं ॥ ४७ ॥
४८. एवंविहम्मि नयरे, पउमासहिओ अणोवमं रज्जं ।  
भुञ्जइ सया सुमणसो, सुरलोगगओ सुरिन्दो व्व ॥ ४८ ॥
४९. अह अन्नया कयाई, भवणस्सुवरिं ठिओ पलोएन्तो ।  
पेच्छइ नहेण जन्तं, इन्दं नन्दीसरं दीवं ॥ ४९ ॥
५०. गय-वसह-तुरय-केसरि-मय-महिस-वराहवाहणारूढा ।  
वच्चन्ति देवसङ्घा, पूरन्ता अम्बरं सयलं ॥ ५० ॥

५१. सरिऊण पुव्वजम्मं, भणइ निवो सुरवरा इमे सव्वे ।  
नन्दीसरवरदीवं, वन्दणहेउम्मि वच्चन्ति ॥५१॥
५२. अहमवि सुरेहि समयं, दीवं नन्दीसरं पयत्तेणं ।  
गन्तूण चेइयाइं, करेमि थुइमङ्गलविहाणं ॥५२॥
५३. अह कोञ्चविमाणेणं, गयणेणं पत्थियस्स वेगेणं ।  
माणुसुत्तरस्स उवरिं, गइपडिहाओ य से जाओ ॥५३॥
५४. सो पेच्छिऊण देवे, वोलन्ते माणुसुत्तरं सेलं ।  
परिदेविउं पयत्तो, सोगभरापूरियसरीरो ॥५४॥
५५. हा ! कट्टं चिय पावो, जो हं नन्दीसरं न संपत्तो ।  
विहलमणोरहभावो, भग्गुच्छाहो फुडं जाओ ॥५५॥
५६. नन्दीसरवरदीवे, जह पूया चेइयाण विरएउं ।  
भावेण नमोक्कारं, पसन्नमणसो करिस्सामि ॥५६॥
५७. जे चिन्तिया महन्ता, मणोरहा मन्दभागधेएणं ।  
ते मे फलं न पत्ता, उदएण अहम्मकम्मस्स ॥५७॥








## पवयणसारो

प्रवचनसार

१. एस सुरासुरमणुसिंदवंदिदं धोदघाइकम्ममलं ।  
पणमामि वड्डुमाणं तित्थं धम्मस्स कत्तारं ॥ १ ॥
२. सेसे पुण तित्थयरे ससव्वसिद्धे विसुद्धसब्भावे ।  
समणे य णाणदंसणचरित्तववीरियायारे ॥ २ ॥
३. ते ते सव्वे समगं समगं पत्तेगमेव पत्तेगं ।  
वंदामि य वड्डुंते अरहंते माणुसे खेत्ते ॥ ३ ॥
४. किच्चा अरहंताणं सिद्धाणं तह णमो गणहराणं ।  
अज्झावयवग्गाणं साहूणं चेव सव्वेसिं ॥ ४ ॥
५. तेसिं विसुद्धदंसणणाणपहाणासमं समासेज्ज ।  
उवसंपयामि सम्मं जत्तो णिव्वाणसंपत्ती ॥ ५ ॥ [पणगं]
६. संपज्जदि णिव्वाणं देवासुरमणुयरायविहवेहिं ।  
जीवस्स चरित्तादो दंसणणाणप्यहाणादो ॥ ६ ॥
७. चारित्तं खलु धम्मो धम्मो जो सो समोत्ति णिहिट्ठो ।  
मोहक्खोहविहीणो परिमाणो अप्पणो हु समो ॥ ७ ॥

८. परिणमदि जेण दव्वं तक्कालं तम्मय त्ति पण्णत्तं  
तम्हा धम्मपरिणदो आदा धम्मो मुणेयव्वो ॥८॥
९. जीवो परिणमदि जदा सुहेण असुहेण वा सुहो असुहो ।  
सुद्धेण तदा सुद्धो हवदि हि परिणामसब्भावो ॥९॥
१०. णत्थि विणा परिणाणं अत्थो अत्थं विणेह परिणामो ।  
दव्वगुणपज्जयत्थो अत्थो अत्थित्तणिव्वत्तो ॥१०॥
११. धम्मेण परिणदप्पा अप्पा जदि सुद्धसंपयोगजुदो ।  
पावदि णिव्वाणसुहं सुहोवजुत्तो व सग्गसुहं ॥११॥
१२. असुहोदयेण आदा कुणरो तिरियो भवीय णेरइयो ।  
दुक्खसहस्सेहिं सदा अभिदुदो भमदि अच्चंतं ॥१२॥
१३. अइसयमादसमुत्थं विसयातीदं अणोवममणंतं ।  
अव्वुच्छिण्णं च सुहं सुद्धुवओगप्पसिद्धाणं ॥१३॥
१४. सुविदिदपयत्थसुत्तो संजमतवसंजुदो विगदरागो ।  
समणो समसुहदुक्खो भणिदो सुद्धोवओगो त्ति ॥१४॥
१५. उवओगविसुद्धो जो विगदावरणंतरायमोहरओ ।  
भूदो सयमेवादा जादि पारं णेयभूदाणं ॥१५॥
१६. तह सो लद्धसहावो सव्वण्हू सव्वलोगपदिमहिदे ।  
भूदो सयमेवादा हवदि सयंभु त्ति णिहिट्टो ॥१६॥
१७. भंगविहूणो य भवो संभवपरिवज्जिदो विणासो हि ।  
विज्जदि तस्सेव पुणो ठिदिसंभवणाससमवायो ॥१७॥
१८. उप्पादो य विणासो विज्जदि सव्वस्स अट्टजादस्स ।  
पज्जाएण दु केणवि अट्टो खलु होदि सब्भूदो ॥१८॥

28  प्राकृत पाठ-चयनिका

१९. पक्खीणघादिकम्मो अणंतवरवीरिओ अधिकतेजो ।  
जादो अदिंदिओ सो गाणं सोक्खं च परिणमदि ॥ १९ ॥
२०. सोक्खं वा पुण दुक्खं केवलणाणिस्स णत्थि देहगदं ।  
जम्हा अदिंदियत्तं जादं तम्हा दु तं णेयं ॥ २० ॥



६७

## कुमारपालचरितम्


सप्तमः सर्गः

१. ओहाविअ-सयल-बलो उत्थारिअ-अन्तरङ्ग-रिउ-वग्गो ।  
थुन्दिअ-करणो राया निदन्ते चिन्तमिअ काही ॥ १ ॥
२. अक्कमिआ विसएहिं टिरिटिल्लन्ता पुरन्धि-सेवाए ।  
ही दुण्डुल्लन्ति भवे चक्कम्मविआ कुकम्मेहिं ॥ २ ॥
३. काम-गह-भमडिएहिं भमाडिओ भम्मडेइ को न भवे ।  
गय-काम-झण्टणो पुण तलअण्टइ सिद्ध-भूमीसु ॥ ३ ॥
४. ढण्डल्लिअ-भुमयं भुमिअ-धणू जग-झम्पणो गुमिअ-आणो ।  
जं न फुमावइ मयणो अफुसिअ-बुद्धी खु सो धन्नो ॥ ४ ॥
५. दुमइ पुरे दुसइ वणे परइ थलीसुं परीइ जल-मज्झे ।  
अभमिअ-चित्तो इत्थीहि गीइ धन्नो पसम-रज्जं ॥ ५ ॥
६. सो च्चिअ सोक्खमइच्छइ पसमं उक्कसइ अक्कसइ सर्गं ।  
मोक्खं पि हु अणुवज्जइ अईइ न हु जो जुवइ-सङ्गं ॥ ६ ॥
७. तारुण्णे णिम्महिए अवज्जसन्तेसु हाणिमक्खेसु ।  
ही पच्चडुइ वुड्ढो वि न पसमं काम-पच्छन्दी ॥ ७ ॥

८. णीणन्ति मित्त-भज्जं रम्भन्ति सुअं वहुं पि पदअन्ति ।  
णीलुक्कन्ति च गुरु-गेहिणिं पि काम-वस-परिअलिआ ॥ ८ ॥
९. महिलाण वसे-परिअल्लिरुण वोलन्त-हिरिअमिह पावा ।  
अवसेहन्ति तिरिच्छीउ वि अवहरिउज्जल-विवेआ ॥ ९ ॥
१०. जे णिरिणासिअ-मेरा वम्मह-वस-गा समं न णिवहन्ति ।  
अहिपच्चुइआ नूणं ते मुहिआ कम्म-भूमिम्मि ॥ १० ॥
११. महिलाण पेम्म-संगयमागच्छन्तीण जो न अब्भिडइ ।  
उम्मत्थइ नाण-सिरि तस्सभ्भागच्छइ विवेओ ॥ ११ ॥
१२. न भवे पच्चागच्छइ अपलोट्टिअ-माणसो जुवइ-सङ्गे ।  
पडिसाय-मणो परिसामिएहिं कहिओवसम-मग्गो ॥ १२ ॥
१३. संखुडुण-कुसलाणं उब्भावन्तीण के वि रमणीण ।  
किलकिंचिअ-मोट्टाइअ-कोडुमिएहिं न खेडुन्ति ॥ १३ ॥
१४. रममाणीओ रामा णीसरिणज्जं अवेल्लणिज्जं च ।  
अग्घविअ-वम्महाओ की अग्घाडइ सिणेहेण ॥ १४ ॥
१५. मायाइ उद्धुमाया अहिरोमिअ-तुच्छयाइ अङ्गुमिआ ।  
चवलत्तं-पूरिआओ को तुवरइ दट्टुमित्थीओ ॥ १५ ॥
१६. तूरन्ति अतूरन्तं पि हु जअडावन्ति तुरिअ-मयणाओ ।  
अहह हलिही-राया खिरन्त-सेएहिं अङ्गेहिं ॥ १६ ॥
१७. पच्चडमाण-सरीरा झरन्त-खाल व्व पज्जरिअ-रमणा ।  
धीरा अणिडुअन्ते वि णिच्चलावेइ ही महिला ॥ १७ ॥
१८. उत्थल्लिअ-परिफाडिअ-भेगोवम-रमणि-रमण-रमिराण ।  
सत्ती विअलइ थिप्पइ कन्ती बुद्धी अ णिडुहइ ॥ १८ ॥

१९. तस्स विसट्टउ हिअयं सयहुत्तं दलउ बुद्धि-कोसल्लं ।  
जो लिहइ वलिअ-भत्तं व वम्फि-लालं रमणि-अहरं ॥ १९ ॥
२०. अणफुडिअ-इन्दवारण-रम्मा रामा अफिट्ट-कडुअत्ता ।  
रे हिअय फुट्ट चुक्कसि किं मग्गा ताहि भुल्लविअं ॥ २० ॥
२१. अब्भंसि-दूसिअच्छं अफिडिअ-कहमाणणं महेलाण ।  
रच्चइ तत्थ वि मूढो नसिअ-मई णिवहिअ-विवेओ ॥ २१ ॥
२२. सेहइ सीलं पडिसन्ति धी-गुणा संजमो वि अवहरइ ।  
णिरणासइ सुअमवसेहइ सच्चं जुवइ-सत्ताण ॥ २२ ॥
२३. ओवासइ न विवेओ थी-सङ्गे इअ गुरुहि संदिसिअं ।  
अप्पाहामो ता तत्त-पिच्छरो ताउ को निअइ ॥ २३ ॥
२४. जे भावि-पुलअणा भूअ-देक्खणा वट्टमाण-सच्चवणा ।  
तेहि निअच्छिअ भणिअं मा इत्थीओ पुलोएह ॥ २४ ॥
२५. अवयच्छन्तो वि जणो नोअक्खइ कामिणिं अवक्खन्तो ।  
न गुरुं चज्जइ नन्नं पासइ जं तीइ पासत्थो ॥ २५ ॥
२६. असरीरिणमवअक्खइ अवआसइ सील-जाइ-रहिअं पि ।  
अवयज्झिऊण तं पि हु जो इत्थि छिवइ तस्स नमो ॥ २६ ॥
२७. फासिज्जइ कविकच्छू फंसिज्जइ अहव कुविअ-वग्घी वि ।  
फरिसिज्जइ न उणेत्थी धम्म-सरीरं हणइ छिहिआ ॥ २७ ॥
२८. आलिहइ नरमणालुङ्खणिज्जमवि नीअ-रच्चणी नारी ।  
मूढाण रिअइ सा वि हु हिअए पविसन्त-कामम्मि ॥ २८ ॥
२९. नारीउ हिअय पम्हुस मा ताओ पम्हुसन्ति पर-लोअं ।  
रोञ्चन्ति धम्म-बीजं न य रोहइ चड्ढिअं तं च ॥ २९ ॥



32  प्राकृत पाठ-चयनिका

३०. णिरिणासिअ-मेरं णिरिणज्जिअ-हिरिअं च णिवहिअ-गुणं च ।  
पीसिअ-सीलं नारिं भुक्कर-सुणइं व को सिहइ ॥ ३० ॥
३१. विलयाहि असाअट्ठिअ-हिअओ अणकट्ठिओ अ विसएहिं ।  
अट्ठिअ-निव्वाण-सिरी सो धन्नो थूलभद्-मुणी ॥ ३१ ॥
३२. कामेण करिसिअ-सरेणावि अणाइज्जिओ अणच्छेइ ।  
मह मणमयज्जिरेहिं गुणेहिं सिरि-थूलभद्-मुणी ॥ ३२ ॥





## कुमारपालचरितम्

अष्टमः सर्गः

१. कधिदे शुभवदेशे शलशदीए तदो अपस्खलिदे ।  
भव-कस्ट-गिम्ह-पदहण-विघस्टणे शुस्टु-मेघे व ॥ १ ॥
२. अदिशुस्तिदं निविस्ते चदुस्त-वगं विवथियद-कशाए ।  
शावय्य-योग-लहिदे शाहू शाहदि अणञ्ज-मणे ॥ २ ॥
३. पुञ्जे निशाद-पञ्जे सुपञ्जले यदि-पथेण वञ्जन्ते ।  
शयल-यय-वश्चलत्तं गश्चन्ते लहदि पलम-पदं ॥ ३ ॥
४. श-पल-विव-का-लहिदे पेस्कन्ते सव्वमोल्ल-दिस्तीए ।  
मिद-पियमाचस्कन्ते चिष्ठदि मग्गम्मि मो-कस्स ॥ ४ ॥
५. एदस्स वधं कलिमो भत्तिं एदाह इदि मदी जाहँ ।  
ताणं दोणहं पि हगे हिदे त्ति बुद्धी पउद्व्वा ॥ ५ ॥
६. पञ्जान राचिआ गुन-निधिना रञ्जा अनञ्ज-पुञ्जेन ।  
चिन्तेतव्वं मतनाति-वेरिनो किल विजेतव्वा ॥ ६ ॥
७. सुद्धाकसाय-हितपक-जित-करन-कुतुम्ब-चेसटो योगी ।  
मुक्क-कुटुम्ब-सिनेहो न वलति गन्तून मुक्ख-पतं ॥ ७ ॥

८. यन्ति कसाया नत्थून यन्ति नद्धून सव्व-कम्माइं  
सम-सलिल-सिनातानं उज्झित-कत-कपट-भारयान ॥८॥
९. यति अरिह-परम-मन्तो पढिय्यते कीरते न जीव-वधो ।  
यातिस-तातिस-जाती ततो जनो निव्वुतिं याति ॥९॥
१०. अच्छति रन्ने सेले वि अच्छते दढ-तपं तपन्तो वि ।  
ताव न लभेय्य मुक्कं याव न विसयान तूरातो ॥१०॥
११. तूरातु नेन घेप्पति मुत्ति-सिरी नाइ योग-किरियाए ।  
चत्तारि-मङ्गलं-पभुति-मन्तमुक्खोसमानेन ॥११॥
१२. वन्थू सठासठेसु वि आलम्पित-उपसमो अनालम्फो ।  
सव्वञ्ज-लाच-चलने अनुझायन्तो हवति योगी ॥१२॥
१३. झच्छर-डमरुक-भेरी-ढक्का-जीमूत-गफिर-घोसा वि ।  
बम्ह-नियोजितमप्पं जस्स न दोलिनन्ति सो धञ्जो ॥१३॥
१४. उब्भिय-बाह असारउ सव्वु वि  
म भमि कु-तित्थिअ-पट्टे मुहिआ ।  
परिहरि तृणु जिम्बं सव्वु वि भव-सुहु  
पुत्ता तुह मइ एउ कहिआ ॥१४॥
१५. गङ्गहे जंम्बुणहे भीतरु मेल्लइ  
सरसइ-मज्झि हंसु जइ झिल्लइ ।  
तय सो केत्थु वि रमइ पहुत्तउ ।  
जित्थु ठाइ सो मोक्खु निरुत्तउ ॥१५॥
१६. केण वि जोग-पओगेण कह वि हु, घरि रुद्धे सव्वेहिं वि वारिहिं ॥  
जोअन्तहें वि निहेलण-नाहहु, घर-सव्व-स्सु वि निज्जइ चोरेहिं ॥१६॥

१७. करणाभासहुँ मणु उत्तारहु,  
 करणाभासेहिँ मुखु न कसु हि वि ।  
 आसणु सयणु वि सब्वहोँ करणेहिँ,  
 करणहुँ मुखु तोँ निरु सब्वस्सु वि ॥ १७ ॥
१८. विसयहँ पर-वस मच्छहु मूढा  
 बन्धुहुँ सहिहुँ वि घङ्गलि छूढा ।  
 दुहुँ ससि-सूरिहिँ मणु संचारहु  
 बन्धुहुँ सहिहँ व वढ विणु सारहु ॥ १८ ॥
१९. गिरिहेँ वि आणित पाणित पिज्जइ  
 तरुहेँ वि निवडित फलु भक्खिज्जइ ।  
 गिरिहुँ व तरुहुँ व पडिअउ अच्छइ  
 विसयहिँ तह वि विराउ न गच्छइ ॥ १९ ॥
२०. जइ हिम-गिरिहि चडेविणु निवडइ  
 अह पयाय-तरुहि वि इक्क-मणु ।  
 निक्कइअवेँ विणु समयाचारैण  
 विणु मण-सुद्धिँ लहइ न सिवु जणु ॥ २० ॥



## णायाधम्मकहाओ

चउत्थं अज्झयणं – कुम्मे

जति णं भंते ! समणेणं भगवया महावीरेणं णायाणं तच्चस्स णायज्झ-  
यणस्स अयमट्ठे पण्णत्ते, चउत्थस्स णं णायाणं के अट्ठे पण्णत्ते? एवं खलु जंबू!  
तेणं कालेणं तेणं समएणं वाणारसी नामं नयरी होत्था, वण्णओ। तीसे णं  
वाणारसीए नयरीए उत्तरपुरत्थिमे दिसीभागे गंगाए महानदीए मयंगतीरद्वहे नाम  
दहे होत्था, अणुपुव्वसुजायवप्पगंभीरसीयलजले अच्छविमलसलिलपलिच्छन्ने  
संछन्नपत्तपुप्फपलासे बहुउप्पलपउमकुमुयनलिणसुभगसोगंधियपुंडरीयमहा-  
पुंडरीयसयपत्तसहस्सपत्त-केसरपुप्फोवचिए! छप्पयपरिभुज्जमाणकमले  
अच्छविमलसलिलपत्थपुण्णे परिहत्थभमंतमच्छकच्छ-भअणेगसउणगणमि-  
हुणपविचरिए! पासादीए दरिसणिज्जे अभिरूवे पडिरूवे। तत्थ णं बहूणं मच्छाण  
य कच्छभाण य गाहाण य मगराण य सुंसुमाराण य सइयाणि य साहस्सियाणि  
य सयसाहस्सियाणि य जूहाइं निब्भयाइं निरूव्विग्गाइं सुहंसुहेणं अभिरम-  
माणाइं विहरंति।

तस्स णं मयंगतीरद्वहस्स अदूरसामंते एत्थ णं महं एगे मालुयाकच्छए  
होत्था, वण्णओ। तत्थ णं दुवे पावसियालगा परिवसंति, पावा चंडा रोहा  
तल्लिच्छा साहसिया लोहितपाणी आमिसत्थी आमिसाहारा आमिसप्पिया आमि.  
सलोला आमिसं गवेसमाणा रत्ति-वियालचारिणो दिया पच्छण्णं यावि चिट्ठंति।

तते णं तातो मयंगतीरद्दहातो अन्नया कदाइ सूरियंसि चिरत्थमियंसि लुलियाए संझाए पविरलमाणुसंसि णिसंतपडिणिसंतंसि समाणंसि दुवे कुम्मगा आहारत्थी आहारं गवेसमाणा सणियं उत्तरंति। तस्सेव मयंगतीरद्दहस्स परिपेरंतेणं सब्वतो समंता परिघोलेमाणा परिघोलेमाणा वित्तिं कप्पेमाणा विहरंति।

तयणंतरं च णं ते पावसियालगा आहारत्थी जाव आहारं गवेसमाणा मालुया-कच्छगाओ पडिनिक्खमंति, २ ता जेणेव मयंगतीरद्दहे तेणेव उवागच्छंति, २ ता तस्सेव मयंगतीरद्दहस्स परिपेरंतेणं परिघोलेमाणा परिघोले-माणा वित्तिं कप्पेमाणा विहरंति। तते णं ते पावसियालया ते कुम्माए पासंति, २ ता जेणेव ते कुम्माए तेणेव पधारेत्थ गमणाए। तते णं ते कुम्मगा ते पावसियालए एज्जमाणे पासंति, २ ता भीता तत्था तसिया उव्विग्गा संजातभया हत्थे य पादे य गीवाओ य सएहिं २ काएहिं साहरंति, २ ता निच्चला निप्फंदा तुसिणीया संचिद्धंति।

तते णं ते पावसियालया जेणेव ते कुम्मगा तेणेव उवागच्छंति, २ ता ते कुम्मगा सब्वतो समंता उव्वत्तेति परियत्तेति आसारंति संसारंति चालेति घट्टेति फदेति खोभेति, नहेहिं आलुंपंति, दंतेहि य अक्खोडेति, नो चेव णं संचाएंति तेसिं कुम्मगाणं किंचि सरीरस्स आबाहं वा पबाहं वा वाबाहं वा उप्पाइत्तए छविच्छेदं वा करेत्तए। तते णं ते पावसियालगा ते कुम्माए दोच्चं पि तच्चं पि सब्वतो समंता उव्वत्तेति जाव नो चेव णं संचाएंति करेत्तए। ताहे संता तंता परितंता निव्विण्णा समाणा सणियं सणियं पच्चोसक्केति, २ ता एगंतम-वक्कमंति, २ निच्चला निप्फंदा तुसिणीया संचिद्धंति।

तत्थ णं एगे कुम्मगे ते पावसियालए चिरगते दूरगए जाणित्ता सणियं सणियं एगं पायं निच्छुभति। तते णं ते पावसियाला तेणं कुम्माएणं सणियं सणियं एगं पायं निणियं पासंति, २ ता सिग्घं चवलं तुरियं चंडं जतिणं वेगितं जेणेव से कुम्माए तेणेव उवागच्छंति, २ तस्स णं कुम्मगस्स तं पायं नक्खेहिं आलुंपंति, दंतेहिं अक्खोडेति, ततो पच्छा मंसं च सोणियं च आहरंति, २ ता तं कुम्मगं सब्वतो समंता उव्वत्तेति जाव नो चेव णं संचाएंति करेत्तए

ताहे दोच्चं पि अवक्कमंति, एवं चत्तारि वि पाया जाव सणियं सणियं गीवं णीणेति। तते णं ते पावसियालगा तेणं कुम्मएणं गीवं णीणियं पासंति, पासित्ता सिग्घं चवलं तुरियं चंडं जइणं वेइयं जाव नहेहिं दंतेहिं य कवालं विहाडेति, २ ता तं कुम्मगं जीवियाओ ववरोवेति, २ ता मंसं च सोणियं च आहारंति। एवामेव समणाउसो! जो अम्हं निग्गंथो वा निग्गंथी वा आयरिय उवज्झायाणं अंतिए पव्वतिए समाणे, पंच य से इंदिया अगुत्ता भवंति से णं इह भवे चेव बहूणं समाणां ४ हीलणिज्जे (निंदणिज्जे खिंसणिज्जे गरहणिज्जे परिभवणिज्जे), परलोगे वि य णं आगच्छति बहूणं दंडणाणं जाव अणुपरियट्टति, जहा व से कुम्मए अगुत्तिंदिए।

तते णं ते पावसियालगा जेणेव से दोच्चए कुम्मए तेणेव उवगच्छंति, २ तं कुम्मगं सब्वतो समंता उव्वत्तेति जाव दंतेहिं णिक्खुडेति जाव नो चेव णं सक्का करेत्तए। तते णं ते पावसियालगा दोच्चं पि तंचं पि जाव नो संचाएति तस्स कुम्मगस्स किंचि आबाहं वा पबाहं वा जाव छविच्छेदं वा करेत्तए। ताहे संता तंता परितंता निव्विण्णा समाणा जामेव दिसं पाउब्भूता तामेव दिसं पडिगया।

तते णं से कुम्मए ते पावसियालए चिरगए दूरगए जाणित्ता सणियं सणियं गीवं नीणेति, २ दिसावलोयं करेति, २ ता जमगसमगं चत्तारि वि पादे नीणेति, २ ताए उक्किट्ठाए कुम्मगतीए वीतीवयमाणे वीतीवयमाणे जेणेव मयंगतीरह्हे तेणेव उवागच्छति, २ ता मित्त-णाति-नियग-सयण-संबंधिपरिजणेण सद्धिं अभिसमन्नागए यावि होत्था। एवामेव समणाउसो! जो अम्हं समणी वा समणी वा पंच य से इंदियाइं गुत्ताइं भवंति जाव जहा व से कुम्मए गुत्तिंदिए। एवं खलु जंबू ! समणेणं भगवया महावीरेणं चउत्थस्स णायज्झयणस्स अयमट्ठे पण्णत्ते त्ति बेमि॥

॥ चउत्थं णायज्झयणं सम्मत्तं ॥ ४॥





## उपासकदशासूत्र

सत्तमं सद्दालपुत्तज्जयणं

॥ उक्खेवो ॥

पोलासपुरे नामं नयरे। सहस्सम्बवणे उज्जाणे। जियसत्तू राया ॥ १८० ॥

तत्थ णं पोलासपुरे नयरे सद्दालपुत्ते नामं कुम्भकारे आजीविओवासए परिवसइ। आजीवियसमयंसि लद्धट्टे गहियट्टे पुच्छियट्टे विणिच्छियट्टे अभिगयट्टे अट्टिमिंजपेमाणुरागरत्ते य 'अयमाउसो आजीवियसमए अट्टे अयं परमट्टे सेसे अणट्टे' त्ति आजीवियसमएणं अप्पाणं भावेमाणे विहरइ ॥ १८१ ॥

तस्स णं सद्दालपुत्तस्स आजीविओवासगस्स एक्का हिरण्णकोडी निहाणपउत्ता एक्का वट्ठिपउत्ता एक्का पवित्थरपउत्ता एक्के वए दसगोहासस्सिएणं वएणं ॥ १८२ ॥

तस्स णं सद्दालपुत्तस्स आजीविओवासगस्स अग्गिमित्ता नामं भारिया होत्था ॥ १८३ ॥

तस्स णं सद्दालपुत्तस्स आजीविओवासगस्स पोलासपुरस्स नगरस्स बहिया पञ्च कुम्भकारावणसया होत्था। तत्थ णं बहवे पुरिसा दिण्णभइभत्तवेयणा कल्लाकल्लिं बहवे करए य वारए य पिहडए य घडए य अद्धघडए य कलसए य अलिञ्जरए य जम्बूलए य उट्टियाओ य करेन्ति, अन्ने य से बहवे पुरिसा दिण्णभइभत्तवेयणा कल्लाकल्लिं तेहिं बहूहिं करएहि य जाव उट्टियाहि य



रायमर्गंसि वित्तिं कप्येमाणा विहरन्ति ॥ १८४ ॥

तए णं से सहालपुत्ते आजीविओवासए अन्नया कयाइ पुव्वावरणहकाल-  
समयंसि जेणेव असोगवणिया तेणेव उवागच्छइ, २ ता गोसालस्स मङ्गलिपुत्तस्स  
अन्तियं धम्मपण्णत्तिं उवसंपज्जित्ताणं विहरइ ॥ १८५ ॥

तए णं तस्स सहालपुत्तस्स आजीविओवासगस्स एगे देवे अन्तियं  
पाउब्भवित्था ॥ १८६ ॥

तए णं से देवे अन्तलिक्खपडिवन्ने सखिंखणियाइं जाव परिहिए सह-  
लपुत्तं आजीविओवासयं एवं वयासी। “एहिइ णं, देवाणुप्पिया, कल्लं इहं  
महामाहणे उप्पन्नणाणदंसणधरे तीयपडुपन्न-मणागयजाणए अरहा जिणे  
केवली सब्बणू सब्बदरिसी तेलोक्कवहियमहियपूइए सदेवमणुयासुरस्स  
लोगस्स अच्चणिज्जे वन्दणिज्जे सक्कारणिज्जे संमाणणिज्जे कल्लाणं मङ्ग-  
लं देवयं चेइयं जाव पज्जुवासणिज्जे तच्चकम्मसंपयासंपउत्ते। तं णं तुमं  
वन्देज्जाहि जाव पज्जुवासेज्जाहि, पाडिहारिएणं पीढफलगसिज्जासंधारएणं  
उवनिमन्तेज्जाहि” ॥ दोच्चं पि तच्चं पि एवं वयइ, २ ता जामेव दिसिं पाउब्भूए  
तामेव दिसिं पडिगए ॥ १८७ ॥

तए णं तस्स सहालपुत्तस्स आजीविओवासगस्स तेणं देवेणं एवं वुत्तस्स  
समाणस्स इमेयारूवे अज्झत्थिए ४ समुप्पन्ने। “एवं खलु ममं धम्मायरिए  
धम्मोवएसए गोसाले मङ्गलिपुत्ते, से णं महामाहणे उप्पन्नणाणदंसणधरे जाव  
तच्चकम्मसंपयासंपउत्ते, से णं कल्लं इहं हव्वमागच्छिस्सइ। तए णं तं अहं  
वन्दिस्सामि जाव पज्जुवासिस्सामि पाडिहारिएणं जाव उवनिमन्तिस्सामि”  
॥ १८८ ॥

तए णं कल्लं जाव जलन्ते समणे भगवं महावीरे जाव समोसरिए। परिसा  
निग्गया जाव पज्जुवासइ ॥ १८९ ॥

तए णं से सहालपुत्ते आजीविओवासए इमीसे कहाए लद्धट्टे समाणे, “एवं  
खलु समणे भगवं महावीरे जाव विहरइ, तं गच्छामि णं समणं भगवं महावीरे

वन्दामि जाव पज्जुवासामि”, एवं संपेहेइ, २ ता णहाए जाव पायच्छित्ते सुद्ध  
प्यावेसाइं जाव अप्पमहग्घा-भरणालंकियसरीरे मणुस्सवग्गुरापरिगए साओ  
गिहाओ पडिणिक्खमइ, २ ता पोलासपुरं नयरं मज्झंमज्झेणं निग्गच्छइ, २ ता  
जेणेव सहस्सम्बवणे उज्जाणे जेणेव समणे भगवं महावीरे तेणेव उवागच्छइ,  
२ ता तिक्खुत्तो आयाहिणं पयाहिणं करेइ, २ ता वन्दइ नमंसइ, २ ता जाव  
पज्जुवासइ ॥ १९० ॥

तए णं समणे भगवं महावीरे सद्दालपुत्तस्स आजीविओवासगस्स तीसे य  
महइ जाव धम्मकहा समत्ता ॥ १९१ ॥

“सद्दालपुत्ता” इ समणे भगवं महावीरे सद्दालपुत्तं आजीविओवासयं एवं  
वयासी। ‘से नूणं, सद्दालपुत्ता, कल्लं तुमं पुव्वावरणहकालसमयंसि जेणेव  
असोगवणिया जाव विहरसि। तए णं तुब्भं एगे देवे अन्तियं पाउब्भवित्था।  
तए णं से देवे अन्तलिक्खपडिवन्ने एवं वयासी। “हं भो सद्दालपुत्ता,” तं चेव  
सव्वं जाव “पज्जुवासिस्सामि”। से नूणं, सद्दालपुत्ता, अट्टे समट्टे?” ॥

“हंता, अत्थि” ॥

“नो खलु, सद्दालपुत्ता, तेणं देवेणं गोसालं मङ्गलिपुत्तं पणिहाय एवं  
वुत्ते” ॥ १९२ ॥

तए णं तस्स सद्दालपुत्तस्स आजीविओवासयस्स समणेणं भगवया  
महावीरेणं एवं वुत्तस्स समाणस्स इमेयारूवे अज्झत्थिए ४। “एस णं समणे भगवं  
महावीरे महामाहणे उप्पन्नणाण-दंसणधरे जाव तच्चकम्मसंपयासंपउत्ते। तं सेयं  
खलु ममं समणं भगवं महावीरं वन्दित्ता नमंसित्त। पाडिहारिएणं पीढफलग जाव  
उवनिमन्तित्तए” एवं संपेहेइ, २ ता उट्टाए उट्टेइ, २ ता समणं भगवं महावीरं  
वन्दइ नमंसइ, २ ता एवं वयासी। एवं खलु, भन्ते, ममं पोलासपुरस्स नयरस्स  
बहिया पञ्च कुम्भकारावणसया। तत्थ णं तुब्भे पाडिहारियं पीढ जाव संथारयं  
ओगिण्हत्ताणं विहरइ” ॥ १९३ ॥

तए णं समणे भगवं महावीरे सद्दालपुत्तस्स आजीविओवासगस्स एयमट्टं

पडिसुणेइ, २ ता सद्दालपुत्तस्स आजीविओवासगस्स पञ्चकुम्भकारावणसएसु  
फासुएसणिज्जं पाडिहारियं पीढफलग जाव संथारयं ओगिण्हित्ताणं विहरइ  
॥ १९४॥

तए णं से सद्दालपुत्ते आजीविओवासए अन्नया कयाइ वायाहययं कोला-  
लभण्डं अनतो सालाहिंतो बहिया नीणेइ, २ ता आयवंसि दलयइ ॥ १९५॥

तए णं समणे भगवं महावीरे सद्दालपुत्तं आजीविओवासयं एवं वयासी।  
“सद्दालपुत्ता, एस णं कोलालभण्डे कओ?” ॥ १९६॥

तए णं से सद्दालपुत्ते आजीविओवासए समणं भगवं महावीरं एवं वयासी।  
“एस णं, भन्ते, पुब्बिं मट्टियाआसी, तओ पच्छा उदएणं निमिज्जइ, २ ता  
छारेण य करिसेण य एगयओ मीसिज्जइ, २ ता चक्के आरोहिज्जइ; तओ  
बहवे करगा य जाव उट्टियाओ य कज्जन्ति” ॥ १९७॥

तए णं समणे भगवं महावीरे सद्दालपुत्तं आजीविओवासयं एवं वयासी।  
“सद्दालपुत्ता, एस णं कोलालभण्डे किं उट्टाणेणं जाव पुरिसक्कारपरक्कमेणं  
कज्जन्ति, उदाहु अणुट्टाणेणं जाव अपुरिसक्कारपरक्कमेणं कज्जन्ति?” ॥ १९८॥

तए णं से सद्दालपुत्ते आजीविओवासए समणं भगवं महावीरं एवं वयासी।  
“भन्ते, अणुट्टाणेणं जाव अपुरिसक्कारपरक्कमेणं, नत्थि उट्टाणे इ वा जाव  
परक्कमे इ वा, नियया सव्वभावा” ॥ १९९॥

तए णं समणे भगवं महावीरे सद्दालपुत्तं आजीविओवासयं एवं वयासी।  
“सद्दालपुत्ता, जइ णं तुब्भं केइ पुरिसे वायाहयं वा पक्केल्लयं वा कोलाल-  
भण्डं अवहरेज्जा वा विक्खरेज्जा वा भिन्देज्जा वा अच्छिन्देज्जा वा परिट्टवेज्जा  
वा अग्गमित्ताए वा भारियाए सद्धिं विउलाइं भोगभोगाइं भुञ्जमाणे विहरेज्जा,  
तस्स णं तुमं पुरिसस्स किं दण्डं वत्तेज्जासि?”

“भन्ते, अहं णं तं पुरिसं आओसेज्जा वा हणेज्जा वा बन्धेज्जा वा महेज्जा  
वा तज्जेज्जा वा तालेज्जा वा निच्छोडेज्जा वा निब्भच्छेज्जा वा अकाले चेव  
जीवियाओ ववरोवेज्जा” ॥

“सद्दालपुत्ता, नो खलु तुब्भं केइ पुरिसे वायाहयं वा पक्केल्लयं वा कोलालभण्डं अवहरइ वा जाव परिट्टवेइ वा अग्गिमित्ताए वा भारियाए सद्धिं विउलाइं भोगभोगाइं भुञ्जमाणे विहरइ। नो वा तुमं तं पुरिसं आओसेज्जसि वा हणेज्जसि वा जाव अकाले चेव जीवियाओ ववरोवेज्जसि। जइ नत्थि उट्टाणे इ वा जाव परक्कमे इ वा, नियया सव्वभावा। अह णं, तुब्भं केइ पुरिसे वायाहयं जाव परिट्टवेइ वा अग्गिमित्ताए वा जाव विहरइ, तुमं वा तं पुरिसं आओसेसि वा जावं ववरोवेसि। तो जं वदसि नत्थि उट्टाणे इ वा जाव नियया सव्वभावा, तं ते मिच्छा” ॥ २००॥

एत्थ णं से सद्दालपुत्ते आजीविओवासए संबुद्धे ॥ २०१॥

तए णं से सद्दालपुत्ते आजीविओवासए समणं भगवं महावीरं वन्दइ नमंसइ, २ ता एवं वयासी। “इच्छामि णं, भन्ते, तुब्भं अन्तिए धम्मं निसामेत्तए” ॥ २०२॥

तए णं समणं भगवं महावीरे सद्दालपुत्तस्स आजीविओवासगस्स तीसे य जाव धम्मं परिकहेइ ॥ २०३॥

तए णं से सद्दालपुत्ते आजीविओवासए समणस्स भगवओ महावीरस्स अन्तिए धम्मं सोच्चा निसम्म हट्टतुट्ट जाव हियए जहा आणन्दो तथा गिहिधम्मं पडिवज्जइ। नवरं एगा हिरण्णकोडी निहाणपउत्ता एगा हिरण्णकोडी वड्ढिपउत्ता एगा हिरण्णकोडी पवित्थरपउत्ता एगे वए दसगोसाहस्सिएणं वएणं जाव समणं भगवं महावीरं वन्दइ नमंसइ, २ ता जेणेव पोलासपुरे नयरे तेणेव उवागच्छइ, २ ता पोलासपुरं नयरं मज्झंमज्झेणं जेणेव सए गिहे, जेणेव अग्गिमित्ता भारिया, तेणेव उवागच्छइ, २ ता अग्गमित्तं भारियं एवं वयासी। “एवं खलु, देवाणुप्पिए, समणे भगवं महावीरे जाव समोसडे, तं गच्छाहि णं तुमं समणं भगवं महावीरं वन्दाहि जाव पज्जुवासाहि, समणस्स भगवओ महावीरस्स अन्तिए पञ्चाणुव्वइयं सत्तसिक्खावइयं दुवालसविहं गिहिधम्मं पडिवज्जाहि” ॥ २०४॥

तए णं सा अग्गिमित्ता भारिया सद्दालपुत्तस्स समणोवासगस्स “तह” त्ति एयमट्ठं विणएण पडिसुणेइ ॥ २०५॥

तए णं से सहालपुत्ते समणोवासए कोडुम्बियपुरिसे सदावेइ, २ ता एवं वयासी। “खिप्पामेव, भो देवाणुप्पिया, लहुकरणजुत्तजोइयं समखुरवालिहा-णसमलिहियसिङ्गएहिं जम्बूणयामयकला- वजोत्तपइविसिद्धएहिं रययामयघण्ट-सुत्तरज्जुगवरकञ्चणखइयनत्थापग्गहोग्गहियएहिं नीलुप्पलकया-मेल्लएहिं पवरगोणजुवाणएहिं नाणामणिकणगघण्टियाजालपरिगयं सुजायजुगजुत्तउ-ज्जुगपसत्थ-सुविरइयनिम्मियं पवरलक्खणोववेयं जुत्तामेव धम्मियं जाणप्पवरं उवट्टवेह, २ ता मम एयमाणत्तियं पच्चप्पिणह ॥ २०६ ॥

तए णं ते कोडुम्बियपुरिसा जाव पच्चप्पिणन्ति ॥ २०७ ॥

तए णं सा अग्गिमित्ता भारिया णहाया जाव पायच्छित्ता सुद्धप्पावेसाइं जाव अप्पमहग्घा-भरणालंकियसरीरा चेडियाचक्कवालपरिकिण्णा धम्मियं जाणप्पवरं दुरुहइ, २ ता पोलासपुरं नगरं मज्झमज्झेणं निग्गच्छइ, २ ता जेणेव सहस्सम्बवणे उज्जाणे तेणेव उवागच्छइ, २ ता धम्मियाओ जाणाओ पच्चोरुहइ, २ ता चेडियाचक्कवालपरिवुडा जेणेव समणे भगवं महावीरे तेणेव उवागच्छइ, २ ता तिक्खुत्तो जाव वन्दइ नमंसइ, २ ता नच्चासन्ने नाइदूरे जाव पञ्जलिउडा ठिइया चेव पज्जुवासइ ॥ २०८ ॥

तए णं समणे भगवं महावीरे अग्गिमित्ताए तीसे य जाव धम्मं कहेइ ॥ २०९ ॥

तए णं सा अग्गिमित्ता भारिया समणस्स भगवओ महावीरस्स अन्तिए धम्मं सोच्चा निसम्म हट्टुट्टा समणं भगवं महावीरं वन्दइ नमंसइ, २ ता एवं वयासी। “सद्दहामि णं, भन्ते, निग्गन्थं पावयणं जाव से जहेयं तुब्भे वयह। जहा णं देवाणुप्पियाणं अन्तिए बहवे उग्गा भोगा जाव पव्वइया, नो खलु अहं तथा संचाएमि देवाणुप्पियाणं अन्तिए मुण्डा भवित्ता जाव। अहं णं देवाणुप्पियाणं अन्तिए पञ्चाणुवइयं सत्तसिक्खावइयं दुवालसविहं गिहिधम्मं पडिवज्जिस्सामि। अहासुहं, देवाणुप्पिया, मा पडिबन्धं करेह” ॥ २१० ॥

तए णं सा अग्गिमित्ता भारिया समणस्स भगवओ महावीरस्स अन्तिए पञ्चाणुव्वइयं सत्तसिक्खावइयं दुवाल सविहं सावगधम्मं पडिवज्जइ, २ ता

समणं भगवं महावीरं वन्दइ नमंसइ, २ ता तमेव धम्मियं जाणप्पवरं दुरुहइ,  
२ ता जामेव दिसिं पाउब्भूया तामेव दिसिं पडिगया ॥ २११ ॥

तए णं समणे भगवं महावीरे अन्नया कयाइ पोलासपुराओ सहस्सम्ब-  
वणाओ पडिनिग्गच्छइ, २ ता बहिया जणवयविहारं विहरइ ॥ २१२ ॥

तए णं से सद्दालपुत्ते समणोवासए जाए अभिगयजीवाजीवे जाव विहरइ  
॥ २१३ ॥

तए णं से गोसाले मङ्गलिपुत्ते इमीसे कहाए लद्धेट्ठे समाणे, “एवं खलु  
सद्दालपुत्ते आजीवियसमयं वमित्ता समणाणं निग्गन्थाणं दिट्ठिं पडिवन्ने।  
तं गच्छामि णं सद्दालपुत्तं आजीविओवासयं समणाणं निग्गन्थाणं दिट्ठिं  
वामेत्ता पुणरवि आजीवियदिट्ठिं गेणहावित्तए” त्ति कट्टु एवं संपेहेइ, २ ता  
आजीवियसंघपरिवुडे जेणेव पोलासपुरे नयरे, जेणेव आजीवियसभा, तेणेव  
उवागच्छइ, २ ता कइवएहिं आजीविएहिं सद्धिं जेणेव सद्दालपुत्ते समणोवासए  
तेणेव उवागच्छइ ॥ २१४ ॥

तए णं से सद्दालपुत्ते समणोवासए गोसालं मङ्गलिपुत्तं एज्जमाणं पासइ,  
२ ता नो आढाइ नो परिजाणइ, अणाढायमाणे अपरिजाणमाणे तुसिणीए  
संचिट्ठइ ॥ २१५ ॥

तए णं से गोसाले मङ्गलिपुत्ते सद्दालपुत्तेणं समणोवासएणं अणाढाइज्जमाणे,  
अपरिजाणिज्ज-माणे पीढफलगसिज्जासंथारट्ठाए समणस्स भगवओ महावीरस्स  
गुणकित्तणं करेमाणे सद्दालपुत्तं समणोवासयं एवं वयासी। “आगए णं, देवा-  
णुप्पिया, इहं महामाहणे” ॥ २१६ ॥

तए णं से सद्दालपुत्ते समणोवासए गोसालं मङ्गलिपुत्तं एवं वयासी।  
“के णं, देवाणुप्पिया, महामाहणे?” ॥ २१७ ॥

तए णं से गोसाले मङ्गलिपुत्ते सद्दालपुत्तं समणोवासयं एवं वयासी।  
“समणे भगवं महावीरे महामाहणे” ॥

“से केणट्ठेणं, देवाणुप्पिया, एवं वुच्चइ समणे भगवं महावीरे महामाहणे?”

“एवं खलु, सद्दालपुत्ता, समणे भगवं महावीरे महामाहणे उप्पन्न-  
णाणदंसणधरे जाव महियपूइए जाव तच्चकम्मसंपयासंपउत्ते। से तेणट्टेणं,  
देवाणुप्पिया, एवं वुच्चइ समणे भगवं महावीरे महामाहणे। आगए णं,  
देवाणुप्पिया, इहं महागोवे” ॥

“के णं, देवाणुप्पिया महागोवे?”

“समणे भगवं महावीरे महागोवे” ॥

“से केणट्टेणं, देवाणुप्पिया जाव महागोवे?”

“एवं खलु, देवाणुप्पिया, समणे भगवं महावीरे संसाराडवीए बहवे  
जीवे नस्समाणे विणस्समाणे खज्जमाणे छिज्जमाणे भिज्जमाणे लुप्पमाणे  
विलुप्पमाणे धम्ममएणं दण्डेणं सारक्खमाणे संगोवेमाणे, निब्बाणमहावाडं  
साहत्थिं संपावेइ। से तेणट्टेणं, सद्दालपुत्ता, एवं वुच्चइ समणे भगवं महावीरे  
महागोवे। आगए णं, देवाणुप्पिया, इहं महासत्थवाहे” ॥

“के णं, देवाणुप्पिया, महासत्थवाहे?”

“सद्दालपुत्ता, समणे भगवं महावीरे-महासत्थवाहे” ॥

“से केणट्टेणं?”

“एवं खलु, देवाणुप्पिया, समणे भगवं महावीरे संसाराडवीए बहवे जीवे  
नस्समाणे विणस्समाणे जाव विलुप्पमाणे धम्ममएणं पन्थेणं सारक्खमाणे निब्बा-  
णमहापट्टणाभिमुहे साहत्थिं संपावेइ। से तेणट्टेणं, सद्दालपुत्ता, एवं वुच्चइ समणे  
भगवं महावीरे महासत्थवाहे। आगए णं, देवाणुप्पिया, इहं महाधम्मकही” ॥

“के णं, देवाणुप्पिया, महाधम्मकही?”

“समणे भगवं महावीरे महाधम्मकही” ॥

“से केणट्टेणं समणे भगवं महावीरे महाधम्मकही?”

“एवं खलु, देवाणुप्पिया, समणे भगवं महावीरे महइमहालयंसि  
संसारंसि बहवे जीवे नस्समाणे विणस्समाणे उम्मग्गपडिवन्ने सप्पहविप्पणट्टे

मिच्छत्तबलाभिभूए अट्ट-विहकम्मतमपडलपडोच्छन्ने बहूहिं अट्टेहि य जाव वागरणेहि य चाउरन्ताओ संसारकन्ताराओ साहत्थिं नित्थारेइ। से तेणट्टेणं, देवाणुप्पिया, एवं वुच्चइ समणे भगवं महावीरे महाधम्मकही। आगए णं, देवाणुप्पिया, इहं महानिज्जामए” ॥

“के णं, देवाणुप्पिया, महानिज्जामए?”

“समणे भगवं महावीरे महानिज्जामए” ॥

“से केणट्टेण?”

“एवं खलु, देवाणुप्पिया, समणे भगवं महावीरे संसारमहासमुद्धे बहवे जीवे नस्समाणे विणस्समाणे बुद्धमाणे निबुद्धमाणे उप्पियमाणे धम्ममईए नावाए निव्वाण- तीराभिमुहे साहत्थिं संपावेइ। से तेणट्टेणं, देवाणुप्पिया, एवं वुच्चइ समणे भगवं महावीरे महानिज्जामए” ॥ २१८ ॥

तण णं से सद्दालपुत्ते समणोवासए गोसालं मङ्गलिपुत्तं एवं वयासी। “तुब्भे णं, देवाणुप्पिया, इयच्छेया जाव इयनिउणा इयनयवादी इयउवएसलद्धा इय-विण्णाणपत्ता, पभू णं तुब्भे मम धम्मायरिएणं धम्मोवएसएणं भगवया महा-वीरेणं सद्धिं विवादं करेत्तए?”

“नो इणट्टे समट्टे”

“से केणट्टेणं, देवाणुप्पिया, एवं वुच्चइ नो खलु पभू तुब्भे मम धम्मायरि-यणं जाव महावीरेणं सद्धिं विवादं करेत्तए?” ॥

“सद्दालपुत्ता, से जहानामए केइ पुरिसे तरुणे जुगवं जाव निउणसिप्पोवगए एगं महं अयं वा एलयं वा सूयरं वा कृक्कडं वा तित्तिरं वा वट्टयं वा लावयं वा कवोयं वा कविञ्जलं वा वायसं वा सेणयं वा हत्थंसि वा पायंसि वा खुरंसि वा पुच्छंसि वा पिच्छंसि वा सिङ्गंसि वा विसाणंसि वा रोमंसि वा जहिं जहिं गिण्हइ, तहिं तहिं निच्चलं निप्फंदं धरेइ। एवामेव समणे भगवं महावीरे ममं बहूहिं अट्टेहि य हेऊहि य जाव वागरणेहि य जहिं जहिं गिण्हइ, तहिं तहिं निप्पट्टपसिणवागरणं करेइ। से तेणट्टेणं, सद्दालपुत्ता, एवं वुच्चइ नो खलु पभू



अहं तव धम्मायरिएणं जाव महावीरेणं सद्धिं विवादं करेत्तए” ॥ २१९ ॥

तए णं से सद्दालपुत्ते समणोवासए गोसालं मद्धुलिपुत्तं एवं वयासी। “जम्हा णं, देवाणुप्पिया, तुब्भे मम धम्मायरियस्स जाव महावीरस्स सन्तेहिं तच्चेहिं तहिएहिं सब्भूएहिं भावेहिं गुणकित्तणं करेह, तम्हा णं अहं तुब्भे पाडिहारि-एणं पीढ जाव संथारएणं उवनिमन्तेमि। नो चेव णं धम्मो त्ति वा तवो त्ति वा। तं गच्छह णं तुब्भे ममकुम्भारावणेसु पाडिहारियं पीढफलग जाव ओगि-ण्हित्ताणं विहरह” ॥ २२० ॥

तए णं से गोसाले मद्धुलिपुत्ते सद्दालपुत्तस्स समणोवासयस्स एयमट्ठं पडिसुणेइ, २ त्ता कुम्भारावणेसु पाडिहारियं पीढ जाव ओगिण्हित्ताणं विहरइ ॥ २२१ ॥

तए णं से गोसाले मद्धुलिपुत्ते सद्दालपुत्तं समणोवासगं जाहे नो संचाएइ बहूहिं आघवणाहि य पण्णवणाहि य सण्णवणाहि य विण्णवणाहि य निग्गन्थाओ पावयणाओ चालित्तए वा खोभित्तए वा विपरिणामित्तए वा, ताहे सन्ते तन्ते परितन्ते पोलासपुराओ नयराओ पडिणिक्खमइ, २ त्ता बहिया जणवयविहारं विहरइ ॥ २२२ ॥

तए णं तस्स सद्दालपुत्तस्स समणोवासयस्स बहूहिं सील जाव भावेमा-णस्स चोद्दस संवच्छरा वीइक्कन्ता। पण्णरसमस्स संवच्छरस्स अन्तरा वट्टमा-णस्स पुव्वरत्ता- वरत्तकाले जाव पोसहसालाए समणस्स भगवओ महावीरस्स अन्तियं धम्मपण्णत्तिं उवसंपज्जित्ताणं विहरइ ॥ २२३ ॥

तए णं तस्स सद्दालपुत्तस्स समणोवासयस्स पुव्वरत्तावरत्तकाले एगे देवे अन्तियं पाउब्भवित्था ॥ २२४ ॥

तए णं से देवे एगं महं नीलुप्पल जाव असिं गहाय सद्दालपुत्तं समणोवासयं एवं वयासी। जहा चुलणीपियस्स तहेव देवो उवसगं करेइ। नवरं एक्केक्के पुत्ते नव मंससोल्लए करेइ। जाव कणीयसं घाएइ, २ त्ता जाव आयञ्चइ ॥ २२५ ॥

तए णं से सद्दालपुत्ते समणोवासए अभीए जाव विहरइ ॥ २२६ ॥

तए णं से देवे सद्दालपुत्तं समणोवासयं अभीयं जाव पासित्ता चउत्थं पि सद्दालपुत्तं समणो-वासयं एवं वयासी। “हं भो सद्दालपुत्ता, समणोवासया, अपत्थियपत्थिया जाव न भञ्जसि, तओ ते जा इमा अग्गमित्ता भारिया धम्मसहाइया धम्मविइज्जिया धम्माणुरागरत्ता समसुहदुक्खसहाइया, तं ते साओ गिहाओ नीणेमि, २ ता तव अग्गओ घाएमि, २ ता नव मंससोल्लए करेमि, २ ता आदाणभरियंसि कडाहयंसि अद्दहेमि, २ ता तव गायं मंसेण य सोणिएण य आयञ्चामि, जहा णं तुमं अट्टुदुहट्टु जाव ववरो- विज्जस्सि ॥ २२७ ॥

तए णं से सद्दालपुत्ते समणोवासए तेणं देवेणं एवं वुत्ते समाणे अभीए जाव विहरइ ॥ २२८ ॥

तए णं से देवे सद्दालपुत्तं समणोवासयं दोच्चं पि तच्चं पि एवं वयासी। “हं भो सद्दालपुत्ता समणोवासया,” तं चेव भणइ ॥ २२९ ॥

तए णं तस्स सद्दालपुत्तस्स समणोवासयस्स तेणं देवेणं दोच्चं पि तच्चं पि एवं वुत्तस्स समाणस्स अयं अज्झत्थिए ४ समुप्पन्ने। एवं जहा चुलणीपिया तहेव चिन्तेइ। “जेणं ममं जेट्टुं पुत्तं, जेणं ममं मज्झिमयं पुत्तं, जेणं ममं कणीयसं पुत्तं जाव आयञ्चइ, जा वि य णं ममं इमा अग्गमित्ता भारिया समसुदुक्खसहाइया, तं पि य इच्छइ साओ गिहाओ नीणेत्ता ममं अग्गओ घाएत्तए। तं सेयं खलु ममं एयं पुरिसं गिण्हत्तए” त्ति कट्टु उट्टाइए जहा चुलणीपिया तहेव सव्वं भाणियव्वं। नवरं अग्गमित्ता भारिया कोलाहलं सुणित्ता भणइ। सेसं जहा चुलणीपिया वत्तव्वया नवरं अरुणच्चए विमाणे उववन्ने जाव महाविदेहे वासे सिज्झहिइ ॥ २३० ॥

॥ निक्खेवो ॥

सत्तमं सद्दालपुत्तज्झयणं समत्तं ॥



१०

## वसुदेवहिण्डी

बीओ सामलीलंभो

ततो अहं ताओ वीसंभेऊण एगागी निग्गओ, मग्गं मोत्तूण दूरमइवइओ उत्तर-  
दिसिं। हिमवंतपव्वयं पस्समाणो य पुव्वदेसं गंतुमणो कुंजरावत्तं अडविं  
पविट्ठो। महंतमद्धाणमइवाहेऊण परिस्संतो तिसिओ य एगं सरं पत्तो विगयपंकं  
पंकयसंछण्णतोयं वारिचरविहगमणहरभणियं। चिंतियं मया – अहं परिस्संतो  
जइ तण्हावसेण उदगं पाहामि तो मे अपरिट्ठिओ मारुओ सरिरे दोसं उप्पाएज्जा।  
वीसमामि ताव मुहुत्तं, सिणाओ पाणियं पाहिं (हं) ति।

एयम्मि अंतरे हत्थिजूहं कालमेहवंद्रमिव पाणियं पाउकामं सरमवइण्णं,  
कमेण पीओदगं उत्तिण्णं। अहमवि मज्जिउं पवत्तो। जूहवई य कणेरुपट्ठिओ  
ईसिंमदजलदी-समाणसुरभिकपोलदेसो सरमवइण्णो। निव्वण्णिओ य मया  
उत्तमभहलक्ख-णोववेओ। सो गंधहत्थी गंधमणुसरंतो ममं अणुवइउमारद्धो।  
चिंतियं च मे—जले ण तीरिहिति गओ जोहेउं। एस उत्तमो आसण्णे पत्तो  
विहेओ होहिति। तओ उत्तिण्णो मि। सो वि मे पच्छओ लग्गो। मया य करमग्गं  
वंचेऊणं गत्ते अफालिओ, सिग्घयाए य णं वंचामि। सो मं सुकुमालयाए  
कायगरुयाए य ण संचाएइ गहेउं। तहिं तहिं चेव मया छगलो विव भामिओ।  
परिस्संतं च जाणिऊण उत्तरीयं से पुरओ खित्तं, तम्मि निसण्णो। अहमवि  
अभीओ महागयस्स दंते पायं काऊण आरूढो तुरियं। पत्तासणस्स य सुसीसो इव

विधेओ जाओ, उत्तरीयं च गिण्हाविओ, वाहेमि णं जहिच्छं ति।

गहिओ य मि आकासत्थिएहिं दोहिं वि पुरसेहिं बाहासु समगं उक्खित्तो, णिंति णं गगणपहेण कहिं पि। चिंतियं च मया – एए ममाओ किं मण्णे अहिया ऊण ? त्ति। दिट्ठा य दिट्ठिं साहरंति, ततो ‘ऊण’ त्ति मे ठियं। सदयं च वट्ठंति ‘साणुकंप’ त्ति संभाविया। उप्पण्णा मे बुद्धी – जइ मंगुलं काहिंति तो णे विवाडिस्सं, अलं चावल्लेण।

आरुहिओ मि तेहिं पव्वयं, उज्जाणे णिक्खित्तो, पणया य नामाणि साधेऊण – पवणवेग-ऽच्चिमालिणो अम्हे त्ति। तओ दुतमवक्कंता।

### सामलीपरिचओ

मुहुत्तंतरेण य इत्थिगा मज्झिमे वए पवत्तमाणी सित-सुहुम-दुगुल्लपरि-  
धाणुत्तरीया आगया, पणया य नामं साहिऊण-अहं मत्तकोकिला रण्णो  
असणिवेगस्स दुहियाए सामलियाए विज्जाहरकण्णाए बाहिरिया  
पडिहारी। सुणह देव ! – राइणो संदेसेणं सचिवेहिं पवणवेग-ऽच्चिमालीहिं  
आणित त्थ। रण्णो दुहिया सामली नाम माहवमा-ससंझाकुवलयसामा  
लक्खणपाढग-पसंसियसुपइट्ठियसभावरत्ततला, तलाऽणुपुव्ववट्ठियं-  
गुलीतंबनहपायजुयला, दुव्विभावणीय-पिंडिय-वट्ठ-सुकुमालगूढरो-  
मजंघा, पीणसनाहित कतलीखंभसन्निभोरू, पीवरथिरनितंबदेसपिहुल-  
सोणी, दाहिणावत्तनाही, मंडलग्गयतणुकसिणरोमराईपरिमंडियकरमितमज्झा,  
पीणुण्णयहारहसिरहितयहर-संहितपओहरा, गूढसंधिदेससण्णि-  
भूसणमाणसंगयबाहुलतिका, चामर-मीणा-ऽऽयपत्तसुविभत्तपाणिलेहा,  
रयणावलिसमुचितकंबुकंधरा, पयोरपडलविणिग्गयपुण्णचंदसोमव-  
दणचंदा, रत्तंतधवलकसिण-मज्झनयणा, बिंबफलोवमरमणिज्जा-  
ऽधररूवगा, कुंडलोवभोगजोगसंगयसवणा, उण्णयपसत्थनासावंसा, सवणम-  
णसुभगमहुरभणिया, परिजणनयणभमरपिज्जमाणलायणरस त्ति। तुम्हं राया  
दाउकामो, मा ऊसुगा होह।

तत्थ य वावी आसण्णा, खारका य आकासेणं तं वाविं उयरंति। मया चिंतियं— किं मण्णे सिरीसिवा विज्जाहरी होज्जा, जओ इमा खारका आकासेणं वच्चंति। मत्तकोकिला य मम आकूयं जाणिरुण भणइ — देव ! न एस खारका विज्जाहरी। सुणध कारणं — एसा वावी झरिम-पिट्ट-पत्थपाणिया 'मा चउप्पयगम्मा होहिति' त्ति फलिहसोमाणा कया। जइ य पाणियं पाउं अहिलसह तो उयारेमि ते। मया 'आमं' ति भणियं। ततो हं तीए समगं तं सोमाणवीहिं उइण्णो वाविं। पीयं मया पियवयणामयमिव मधुरं गुरुवयणमिव पत्थं तिसिएणं पाणियं। उत्तिण्णो मि।

आगओ परियणो रायसंदेसेणं ण्हाणविहि-वत्था-ऽऽभरणाणि य गहेऊणं। णयरदुवारे य कलहंसी नाम अब्भंतरपडिहारी, तीए ण्हविओ सपरियणाए, अलंकिओ पविट्टो नयरं जणेण य पसंसिज्जमाणो। दिट्टो मया राया अस-णिवेगो, कओ य से पणिवाओ। तेणं अब्भुट्टेऊणं 'सुसागयं' ति भणंतेणं अब्बासणे निवेसाविओ। सोहणे मुहुत्ते दिट्टा मया सामली रायकण्णा जहाकहिया मत्तकोकिलाए। तीए वि तुट्टेण राइणा पाणिं गाहिओ विहीए, पविट्टो गब्भागारं। वत्तेसु य कोउगेसु विरहे मं सामली विण्णवेइ-अज्जउत्त ! विण्णवेमि, देहि मे वरं। मया भणिया—पिये ! विण्णवेयव्वा, जं तुमं विण्णवेसि सो ममं पसाओ। सा भणइ—अविप्पओगं तुब्भेहिं समं इच्छामि त्ति। मया भणिया—एस मज्झं वरो न तुज्झं ति। सा भणइ—कारणं सुणह—





## मूलदेव-कहा

Jacobi's Selected Narratives

अत्थि उज्जेणी नयरी। तीए य असेसकलाकुसलो अणेगविन्नाणनिउणो उदारचित्तो कयन्नु पडिवन्नसूरो गुणाणुराई पियंबओं दक्खो रूव-लावन्न-तारुन्नकलिओ मूलदेवो नाम रायपुत्तो पाडलिपुत्ताओ जूयवसणासत्तो जणगावमाणेण पुह-विपरिब्भमंतो समागओ। तत्थ गुलियापओगेण परावत्तियवेसो वामणयागारो विम्हावेइ विचित्तकहाहिं गंधव्वाइकलाहिं णाणाकोउगेहि य णायरजणं। पसिद्धो जाओ। अत्थि य तत्थ रूवलावन्नविन्नाणगव्विया देवदत्ता नाम पहाणगणिया। सुयं च तेण-न रंजिज्जइ एसा केणइ सामन्नपुरिसेण अत्तगव्विया। तओ कोउगेण तीए खोहणत्थं पच्चूससमए आसन्नत्थेण आढत्तं सुमहुररवं बहुभंगिघोलिरकंठं अन्नन्नवन्नसंवेहरमणिज्जं गंधव्वं। सुयं च तं देवदत्ताए, चिंतियं च-अहो ! अउव्वा वाणी, ता दिव्वो एस कोइ, न मणुस्समेत्ते। गवेसाविओ चेडीहिं। गविट्ठो, दिट्ठो मूलदेवो वामणरूवो। साहियं जहट्टियमेईए। पेसिया तीए तस्स वाहरणत्थं माहवाभिहाणा खुज्जचेडी। गंतूण विणयपुव्वयं भणिओ तीए-भो महासत्त ! अम्ह सामिणी देवदत्ता विन्नवेइ-कुणह पसायं, एह अम्ह घरं। तेण वियड्डयाए भणियं-न पओयणं मे गणियाजणसंगेण, निवारिओ विसिद्धाण वेसासंयोगो। भणियं च -

या विचित्रविटकोटिनिघृष्टा, मद्यमांसनिरताऽतिनिघृष्टा।

कोमला वचसि चेतसि दुष्टा, तां भजन्ति गणिकां न विशिष्टाः ॥ १ ॥

योपतापनपराऽग्निशिखेव, चित्तमोहनकरी मदिरेव।

देहदारणकरी क्षुरिकेव, गर्हिता हि गणिका सलिकेव ॥ २ ॥

अओ नत्थि मे गमणाभिलासो। तीए वि अणेगाहिं भणिइभंगीहिं  
आराहिकुण चित्तं महानिब्वंधेण करे घेतूण नीओ घरं। वच्चंतेण य सा  
खुज्जा कलाकोसल्लेण य विज्जापओगेण य अप्फालिकुण कया पउणा।  
विम्हयक्खित्तमणाए पवेसिओ सो भवणे। दिट्ठो देवदत्ताए वामरूवो अज्ज्वला-  
वन्नधारी। विम्हियाए देवदत्ताए दवावियमासणं। निसन्नो य सो। दिन्नो तंबोलो।  
दंसियं च माहवीए अत्तणो रूवं, कहिओ य वइयरो। सुट्ठुयरं विम्हिया। पारद्धो  
आलावो महुराहिं वियड्ढभणिईहिं। आगरिसियं च तेण तीए हिययं। भणियं च  
—अणुणयकुसलं परिहासपेसलं लडहवाणिदुल्ललियं। आलवणं पि हु छेयाण  
कम्मणं किं च मूलीहि? ॥ १ ॥ एत्थंतरे आगओ तत्थेगो वीणावायगो। वाइया  
तेण वीणा। रंजिया देवदत्ता।

भणियं च—साहु भो वीणावायग! साहु सोहणा ते कला। मूलदेवेण  
भणियं—अहो! अइनिउणो उज्जेणीजणो जाणइ सुंदरासुंदरविसेसं। देवदत्ताए  
भणियं—भो! किमेत्थ खूणं? तेण भणियं—वंसो चेव असुद्धो, सगव्भा य  
तंती। तीए भणियं—कहं जाणिज्जइ ? दंसेमि अहं। समप्पिया वीणा। कड्ढिओ  
वंसाओ पाहणगो। तंतीए वालो समारिकुण वाइउं पयत्तो। कया पराहीणमा-  
णसा सपरियणा देवदत्ता। पच्चासन्ने करेणुया सया रवणसीला आसि, सा वि  
ठिया घुम्मंती ओलंवियकन्ना।

अईव विम्हिया देवदत्ता वीणावायगो य। चिंतियं च—अहो ! पच्छन्नवेसो  
विस्सकम्मा एस। पूइऊण तीए पेसिओ वीणावायगो। आगया भोयणवेला।  
भणियं देवदत्ताए—वाहरह अंगमइयं जेण दो वि अम्हे मज्जामो। मूलदेवेण  
भणियं—अणुमन्नह, अहं चेव करेमि तुम्ह अब्भंगणकम्मं। किमेयं पि जाणासि?

ण याणामि सम्मं परं ठिओ जाणगाण सयासे। आणियं चंपगतेल्लं। आढत्तो अब्भंगिउं। कया पराहीणमणा। चिंतियं च णाए—अहो विन्नाणाइसओ, अहो! अउव्वो करयलफासो, ता भवियव्वं केणइ इमिणा सिद्धपुरिसेण पच्छन्नरूवेण, न पयईए एवरूवस्स इमो पगरिसो त्ति, ता पयडीकरावेमि रूवं। निवडिया चलणेसु, भणिओ य—भो महाणुभाव ! असरिसगुणेहिं चेव नाओ उत्तमपुरिसो पडिबन्नवच्छलो दक्खिन्नपहाणो य तुमं, ता दंसेहि में अत्ताणयं, बाढं उक्कंठियं तुह दंसणस्स मे हिययं ति।

मूलदेवेण पुणो पुणो निव्वंधे कए ईसिं हसिऊण अवणीया वेसपराव-त्तिणी गुलिया। जाओ सहावत्थो। दिट्ठो दिणनाहो व्व दिप्पंततेओ अणंगो व्व मोहयंतो रूवेणं सवलजणं नवजोव्वणलावन्न संपुन्नदेहो। हरिसवसु-ब्भिनरोमंचा पुणो निवडिया चलणेसु, भणियं च—महापसाओ त्ति अब्भंगिओ सहत्थेहिं। मज्जियाइं दो वि जिमियाइं महाविभूर्इए, परिहाविओ देवदूसे, ठियाइं विसिद्धगोटीए। भणियं च तीए—महाभाग! तुमं मोत्तूण ण केणइ अणुरंजियं में अवरपुरिसेण माणसं, ता सच्चमेयं—नयणेहिं को न दीसइ? केण समाणं न होंति उल्लावा? हिययाणंदं जं पुण, जणेइ तं माणुसं विरलं ॥ १ ॥ ता ममाणुरोहेण एत्थ घरे निच्चमेवागंतव्वं। मूलदेवेण भणियं—गुणराइणि! अन्नदेसिएसु निद्धणेसु य अम्हारिसेसु न रेहए पडिबंधो, न य थिरीहवइ, पाएण सव्वस्स वि कज्जवसेण चेव नेहो। भणियं च—वृक्षं क्षीणफलं त्यजन्ति विहगाः शुष्कं सरः सारसाः, पुष्पं पर्युषितं त्यजन्ति मधुपा दग्धं बनान्तं मृगाः। निर्द्रव्यं पुरुषं त्यजन्ति गणिका भ्रष्टं नृपं सेवकाः, सर्वः कार्यवशाज्जनोऽभिरमते कः कस्य को वल्लभः? ॥ १ ॥

तीए भणियं—सदेसो परदेसो वा अकारणं सप्पुरिसाणं। भणियं च—जलहिविसंघडिएण वि, निवसिज्जइ हरसिरम्मि चंदेण। जत्थ गया तत्थ गया, गुणिणो सीसेण वुज्झंति ॥ २ ॥

अत्थो वि असारो, न तम्मि वियक्खणाण बहुमाणो, अवि य गुणेसु चेवा-पुराओ हवइ त्ति। किञ्च—वाया सहस्समइया, सिणेहनिज्झाइयं सयसहस्सं।



सव्भावो सज्जणमाणुसस्स कोडिं विसेसेइ ॥ ३ ॥

ता सव्वहा पडिवज्ज इमं पत्थणं ति। पडिवन्नं तेण। जाओ तेसिं नेहनिवभरो संजोगो। अन्नया रायपुरओ पणच्चिया देवदत्ता वाइओ मूलदेवेण पडहो। तुट्टो तीए राया। दिन्नो वरो। नासीकओ तीए। सो य अईवजूयपसंगी निवसणमेत्तं पि न रेहए। भणिओ य साणुणयं तीए पियवाणीए—पिययम ! को तुह इमं मयंकस्सेव हरिणपडिबंधं? तुम्ह सयलगुणालयाण कलंकं चेव जूअवसणं, बहुदोसविहाणं च एयं। तथा हि—“कुलफलंकणु सच्चपडिवक्खु गुरुलज्जासोयहरु धम्मविग्घु अत्थह पणासणु। जं दाणभोगिहि रहिउ पुत्त-दार-पिइ-माइमोसणु। जहिं न गणिज्जइ देउ गुरु जहिं नवि कज्जु अकज्जु। तणुसंतावणु कुगइपहु तहिं पिय। जूय म रज्जु ॥ १ ॥”

ता सव्वहा परिच्चयसु इमं। अइरसेण य न सक्कए मूलदेवो परिहरिउं। अत्थि य देवदत्ताए गाढाणुरत्तो मूलिल्लो मित्तसेणो अयलनामा सत्थवाहपुत्तो। देइ सो जंमग्गियं। संपाडेइ वत्थाभरणाईयं। वहइ य सो मूलदेवोवरि पओसं, मग्गइ य छिड्डाणि। तस्स संकाए न गच्छइ मूलदेवो तीए घरं अवसरमंत-रेण। भणिया य देवदत्ता जणणीए—पुत्ति! परिच्चय मूलदेवं, न किंचि निद्धणेण पओयणमेएण, सो महाणुभावो दाया अयलो पेसेइ पुणो पुणो बहुयं दव्वजायं, ता तं चेव अंगीकरेसु सव्वप्पणयाए, न एक्कम्मि पडियारे दोन्नि करवालाइं मायंति, न य अलोणियं सिलं को वि चट्टेइ, ता मुंच जूयारिय-मिमं ति। तीए भणियं—नाहं अंब! एगंतेण धणाणुरागिणी, गुणेसु चेव से पडिबंधो। जणणीए भणियं—केरिसा तस्स जूयारगस्स गुणा? तीए भणियं—अंब! केवलगुणमओ खु सो। जाओ ‘धीरो उदारचरिओ, दक्खिन्नमहोयही कलानिउणो। पियभासी य कयन्नू, गुणाणुरागी विसेसणू ॥ १ ॥’

अओ न परिच्चयामि एयं। तओ सा अणेगेहिं दिट्ठंतेहिं आढत्ता पडिवोहेउं—अलत्तए मग्गिए नीरसं पणामेइ, उच्छुखंडे पत्थिए छोइयं पणामेइ, कुसुमेहिं जाइएहिं विंटमित्ताइं पणामेइ। चोइया य पडिभणति—जारिसमेयं तारिसो एस ते पिययमो, तथावि तुमं न परिच्चयसि। देवदत्ताए चिंतियं—मूढा एसा तेणेवंविहे

दिदुंते देइ। तओ अन्नया भणिया जणणी—अम्मो ! मग्गेहिं अयलं उच्छं। कहियं च तीए तस्स। तेण वि सगडं भरेऊणं पेसियं तीए भणियं—किमहं करेणुया जेण एवंविहं सपत्तडालं उच्छं पभूयं पेसिज्जइ।

तीए भणियं—पुत्ति! उदारो खु सो तेण एयं पेसियं ति, चिंतियं च णेण—अन्नाणं पि सा दाहि ति। अवरदियहे देवदत्ताए भणिया माहवी—हला! भणाहि मूलदेवं जहा उच्छूणमुवरि सद्धा, ता पेसेहि मे। तीए वि गंतूण कहियं। तेण गहियाओ दुन्नि उच्छुलट्टीओ, निच्छोलिऊण कयाओ दुयंगुलपमाणाओ गंडियाओ, चाउज्जाएण य अवचुन्नियाओ, कप्पूरेण य मणागं वासियाओ, सूलाहि य मणागं भिन्नाओ, गहियाइं अभिणवमल्लगाइं, भरिऊण य ताणि ढक्किऊणं पेसियाणि। ढोइयाइं च गंतूण माहवीए। दंसियाणि तीए वि जणणीए। भणिया य—पेच्छ अम्मो! पुरिसाणमंतरं ति, ता अहं एएसिं गुणाणमणुरत्ता। जणणीए चिंतियं—‘अच्चंतमोहिया एसा न पच्चियइ अत्तणाइमं, ता करेमि किं पि उवायं जेण एसो कामुओ गच्छइ विदेसं, तओ सुत्थं हवइ’ ति चिंतिऊण भणिओ तीए अयलो—कहसु एईए पुरओ अलियगामंतरगमणं, पच्छा पविट्ठे माणुस्ससामग्गीए आगच्छेज्जह विमाणेज्जह य तं, जेण विमाणिओ संतो देसच्चायं करेइ, ता संजुत्ता चिट्ठेज्जइ, अहं ते वत्तं दाहामि। पडिवन्नं च तेण अन्नमि दिणे कयं तहेव तेण। निग्गओ अलियगामंतरगमणमिसेण। निव्वभएण पविट्ठो य मूलदेवो।

जाणाविओ जणणीए अयलो आगओ महासामग्गीए। दिट्ठो य पविसमाणो देवदत्ताए, भणिओ य मूलदेवो—ईइसो चेव अवसरो, पडिच्छियं च जणणीए एयं पेसियं दव्वं, ता तुमं पल्लंकहेट्ठओ मुहुत्तगं चिट्ठह। ताव ठिओ सो पल्लंकहेट्ठओ। लक्खिओ अयलेणं। निसन्नो य पल्लंके अयलो, भणिया य सा तेण—करेह न्हाणसामिगिं। देवदत्ताए भणियं—एवं ति ता उट्ठह नियंसह पोत्तिं जेण अवभंगिज्जइ। अयलेण भणियं—मए दिट्ठो अज्ज सुमिणओ, जहा—‘नियत्थिओ चेव अवभंगियगतो एत्थ पल्लंके आरूढो ण्हाओ’ ति, तो सच्चं सुमिणयं करेसु। देवदत्ताए भणियं—नणु विणासिज्जए महग्घं तूलिगंडुयमाईयं।

तेण भणियं—अन्नं ते विसिद्धतरं दाहामि। जणणीए भणियं—एवं ति।

तओ तत्थट्टिओ चेव अब्भंगिउव्वट्टिओ उण्हखलउदगेहि य मज्जिओ। भरिओ तेण हेट्टिओ मूलदेवो। गहियाउहा पविट्टा पुरिसा। सव्विओ जणणीए अयलो। गहिओ तेण मूलदेवो वालेहिं, भणिओ यं—रे! संपयं निरूवेहिं जइ कोइ अत्थि ते सरणं। मूलदेवेण निरूवियाइं पासाइं, जाव दिट्ठं निसियाऽसिहत्थेहिं वेढियमत्ताणयं मणूसेहिं। चिंतियं च—‘नाहमेएसिं उव्वरामि, कायव्वं च मए वयरनिज्जायणं, निराउहो संपयं, ता न पोरसस्सावसरो त्ति’। चिंतिय भणियं—जं ते रोयइ तं करेहि। अयलेण चिंतियं—उत्तमपुरिसो कोई एसो आगिईए चेव नज्जइ, सुलभाणि य संसारे महापुरिसाण वसणाइं। भाणेयं च—‘को एत्थ सया सुहिओ? कस्स व लच्छी थिराइं पेम्माइं? कस्स व न होइ खलियं? भण को वि ण खंडिओ विहिणा? ॥ १॥’

भणिओ मूलदेवो—भो एवंविहावत्थागओ मुक्को संपयं तुमं, ममं पि विहिवसेण कयाइ वसणपत्तस्स एवं चेव करेज्जइ। तओ विमणदुम्मणो निग्गओ नयराओ मूलदेवो ‘पेच्छ, कहां एण छलिओ?’ त्ति चिंतियं। तो ण्हाओ सरोवरे, कया पाणवत्ती, चिंतियं च—गच्छामो विदेसं, तत्थ गंतूण करेमि किं पि इमस्स पडिविप्पिउवायं। पट्टिओ वेन्नायडस्स सम्मुहं। गामनगराइमज्झेण वच्चंतो पत्तो दुवालसजोयणपमाणाए अडवीए मुहं। चिंतियं च तत्थ—जइ कोइ वच्चंतो वायासाहेज्जो वि दुइओ लव्वइ ता सुहं चेव छिज्जए अडवी। जाव थेववेलाए आगओ विसिद्धाकारदंसणीओ संबलथइयासणाहो टक्कबंभणो, पुच्छिओ य सो—भट्ट! के दूरे गंतव्वं? तेण भणियं—अत्थि अडवीए परओ वीरनिहाणं नाम थामं, तं गमिस्सामि, तुमं पुण कत्थ पत्थिओ? इयरेण भणियं—वेन्नायडं। भट्टेण भणियं—ता एह गच्छम्ह। तओ पयट्टा दो वि। मज्झण्हसमए वच्चंतंतेहिं दिट्ठं सरोवरं। टक्केण भणियं—भो ! वीसमामो खणमेगं ति। गया उदगसमीवं। धोया हत्थपाया। गओ मूलदेवो पालिसंठियरुक्खच्छायं। टक्केण छोडिया संबलथइया, गहिया वट्टयम्मि सत्तुया। ते जलेण ओलित्ता लग्गओ खाइउं।

मूलदेवेण चिंतियं—एरिसा चेव बंभणजाई भुक्खापहाणा हवइ, ता

पच्छा मे दाही। भट्टो वि भुंजित्ता वंधिऊण थइयं पयट्टो। मूलदेवो वि 'नूणं अवरणहे दाहि' त्ति चिंतित्तो अणुपयट्टो। तत्थ वि तहेव भुत्तं, न दिन्नं तस्स। 'कल्लं दाहि' त्ति आसाए गच्छइ एसो। वच्चंताण य आगया रयणी। तओ वट्टाओ ओसरिऊण वडपायवहेट्टओ पसुत्ता। पच्चूसे पुणो पत्थिया, मज्झणहे तहेव थक्का, तहेव भुत्तं टक्केण, न दिन्नं एयस्स। जाव तइयदियहे चिंतियं मूलदेवेण –नित्थिन्नप्पाया अडवी, ता अज्ज अवस्सं ममं दाही एस। जाव तत्थ वि न दिन्नं। नित्थिन्ना य तेहिं अडवीं। जावाओ दोण्ह वि अन्नन्नवट्टाओ। तओ भट्टेण भणियं—भो! तुज्झ एसा वट्टा समं पुण एसा, ता वच्च तुमं एयाए। मूलदेवेण भणियं—भो भट्ट ! आगओ अइं तुज्झ प्यभावेणं, ता मज्झ मूलदेवो नामं, जइ कयाइ किं पि पओयणं में सिज्झइ ता आगच्छेज्ज वेन्नायडे, किं च तुज्झ नामं? टक्केण भणियं—सद्धडो, जणकयावडकेण य निग्घणसम्मो नाम। तओ पत्थिओ भट्टो सग्गामं।

मूलदेवो वि विन्नायडसम्मूहं ति। अंतराले य दिट्ठं वसिमं। तत्थ पविट्टो भिक्खानिमित्तं। हिंडियं असेसं गामं। लद्धा कुम्मासा, न किंपि अन्नं। गओ जलासयामिमुहं। एत्थंतरम्मि य तवसुसियदेहो महाणुभावो महातवस्सी मासोपवासपारणयनिमित्तं दिट्टो पविसमाणो। तं च पेच्छिय हरिसवसुब्धि-न्नपुलएण चिंतियं च मूलदेवेण—अहो! धन्नो कयत्थो अहं, जस्स इमम्मि काले एस महातवस्सी दंसणपहमागओ, ता अवस्सं भवियव्वं मम कल्लाणेण। अवि य—मरुत्थलीए जह कप्परुक्खो, दरिद्दगेहे जह हेमवुट्टी। मायंगगेहे जह हत्थिराया, मुणी महप्पा तह एत्थ एसो ॥ १॥

किञ्च—

दंसणनाणविसुद्धं, पंचमहव्वयसमाहियं धीरं।

खंती-महव-अज्जव-जुत्तं मुत्तिप्पहाणं च ॥ २॥

सज्झायज्झाणतवोवहाणनिरयं विसुद्धलेसागं।

पंचसमियं तिगुत्तं, अकिंचणं चत्तगिहिसंगं ॥ ३॥

सुपत्तं एस साहू। ता -

एरिसपत्तसुखित्तं, विसुद्धसद्धाजलेण संसित्तं।

निहियं तु दव्वसस्सं इहपरलोए अणंतफलं ॥ ४॥

ता एत्थ कालोचिया देमि एयस्स चेव कुम्मासा, जओ अदायगो एस गामो, एसो य महप्पा कइवयघरेसु दरिसावं दाऊण पडिनियत्तइ, अहं पुण दो तिन्नि वारे हिंडामि तो पुणो लभिरसं, आसन्नो अवरं वितिओ गामो ता पयच्छामि सब्बे इमे त्ति। पणमिऊण तओ समप्पिया भगवओ कुम्मासा। साहुणा वि तस्स परिणामपयरिसं मुणंतेण दव्वाइसुद्धि च वियाणिऊण—‘धम्मसील! थोवे देज्जह’ त्ति भणिऊण घरियं पत्तगं। दिन्ना य तेण पवड्डुमाणाऽऽसएण, भणियं च तेण—“धन्नाणं खु नराणं, कुम्मासा होंति साहुपारणाए।” एत्थंतरम्मि गयणंतरगयाए रिसिभत्ताए मूलदेवभत्तिरंजियाए भणियं देवयाए—पुत्त! मूलदेव! सुंदरमणुचिद्धियं तुमे, ता एयाए गाहाए पच्छद्धेण मग्गह जं रोयए जेण संपाडेमि सब्बं। मूलदेवेण भणियं—“गणियं च देवदत्तं, दंतिसहस्सं च रज्जं च ॥ १॥”

देवयाए भणियं—पुत्तं! निच्चिंतो विहरसु, अवस्सं रिसिचलणाणुभाषेण अइरेण चेव संपज्जिस्सइ एयं। मूलदेवेण भणियं—भयवह! एवमेयं ति। तओ वंदिय रिसिं पडिनियत्तो। रिसी वि गओ उज्जाणं। लद्धा अवरा भिक्खा मूलदेवेण। जेमिओ पत्थिओ य विन्नायडसम्महं। पत्तो य क्रमेण तत्थ। पसुत्तो रयणीए याहिं पहियसालाए। दिट्ठो य चरिमजामे सुमिणओ—‘पडिपुन्नमंडलो निम्मलपहो मयंको उयरम्मि पविट्ठो’। अन्नेण वि कप्पडिएण सो चेव दिट्ठो। कहिओ तेण कप्पडियाणं। तत्थेगेण भणियं—लभिहिसि तुमं अज्ज घयगुलसंपुन्नं महंतं रोट्टगं। ‘ण याणंदि एए सुमिणस्स परमत्थं’ ति न कहियं मूलदेवेण। लद्धो कप्पडिएणं भिक्खागएण घरछायणियाए अहोवइट्ठो रोट्टगो। तुट्ठो य एसो निवेइओ य कप्पडियाणं।

मूलदेवो वि गओ एगमारामं। आयज्जिओ तत्थ कुसुमोथयसाइज्जेण मालागारो। दिन्नाइं तेण पुप्फफलाइं। ताइं घेत्तुं सुइभूओ गओ

सुमिणयसत्थपाढगस्स गेहं। कओ तस्स पणामो। पुच्छिया खेमारोगवत्ता। 'तेण वि' संभासिओ सबहुमाणं, पुच्छिओ पओयणं। मूलदेवेण जोडिऊण करजुयलं कहिओ सुविणगघइयरो। उवज्झाएण वि भणियं सहरिसेणं—कहिस्सामि सुहमुहुत्ते सुविणयफलं, अज्ज ताव अतिही होसु अम्हाणं। पडिवन्नं च मूलदेवेणं। ण्हाओ जिमिओ य विभूइए। भुत्तुत्तरे य भणिओ उवज्झाएण—पुत्त! पत्तवरा में एसा कन्नागा, ता परिणेषु ममोघरोहेण एयं तुमं ति। मूलदेवेण भणियं—ताय! कहं अन्नायकुलसीलं जामाउयं करेसि? उवज्झाएण भणियं—पुत्त! आयारेण चेष नज्जइ अकहियं पि कुलं। भणियं च—आचारः कुलमाख्याति, देशमाख्याति जल्पित्तम्। सम्भ्रमः स्नेहमाख्याति, वपुराख्याति भोजनम् ॥ १॥

तहा—को कुवलयण गंधं, करेइ महरत्तणं च उच्छूणं? वरहत्थीण य लीलं, विणयं च कुलप्पसूयाणं? ॥ २॥

अहवा—जइ हुंति गुणा ता किं, कुलेण? गुणिणो कुलेण न हु कज्जं। कुलमकलंकं गुणवज्जियाण गरुयं चिय कलंकं ॥ ३॥

एवमाइ-भणिईहि पडिवज्जाविय सुहमुहुत्तेण परिणाविओ। कहियं सुविणगफलं—सत्तदिणव्भंतरे राया होहिसि। तं च सोऊण जाओ पहट्टमणो, अच्छइ य तत्थ सुहेणं। पंचमे य दिवसे गओ नयरवाहिं, निसन्नो चंपगच्छायाए। इओ य—तीए नयरीए अपुत्तो राया कालगओ। तत्थ अहियासियाणि पंच दिव्वाणि। ताणि आहिंडिय नयरमज्झे निग्गयाणि वाहिं पत्ताणि मूलदेवसयासं। दिट्ठो य सो अपरियत्तमाणच्छायाए हिट्ठओ। तं पेच्छिय गुलुगुलियं हत्थिणा, हेसियं तुरंगेण, अहिसित्तो भिंगारेणं, वीइओ चामरेहिं, ठियमुवरि पुंडरियं। तओ कओ लोएहिं जयजयारवो। चडाविओ गएण खंधे पइसारिओ य नयरिं। अभिसित्तो च मंतिसामंतेहिं। भणियं च गयणतलगयाए देवयाए—भो! भो! एस महाणुभावो असेसकलापारगओ देवयाहिट्ठियसरीरो विक्कमराओ नाम राया, ता एयस्स सासणे जो न वट्ठइ तस्स नाहं खमामि त्ति।

तओ सब्बो सामंत-मंति-पुरोहियाइओ परियणो आणाविहेओ जाओ।

तओ उदारं विसयसुहमणुहवंतो चिदुइ। आढत्तो उज्जेणिसामिणा वियारधवलेण सह संववहारो, जाव जाया परोप्परं निरंतरा पीई। इओ य देवदत्ता तारिसं विडंबणं मूलदेवस्स पेच्छिय विरत्ता अईव अयलोवरि। ततो निव्वभच्छिओ अयलो— ‘भो! अहं वेसा, न उण अहं तुज्झ कुलघरिणी, तहा वि मज्झ गेहत्थो एवंविहं ववहरसि, ता मामिच्छाए ण पुणो खिज्जियव्वं’ ति भणिय गया राइणो सयासं। भणिओ य निवडिय चलणेसु राया—सामि ! तेण वरेण कीरउ पसाओ।

राइणा भणियं—भण, कओ चेव तुज्झ पसाओ? किमवरं भणीयइ? देवदत्ताए भणियं—ता सामि! मूलदेवं वज्जिय ण अन्नो पुरिसो मम आणावेयव्वो, एसो अयलो मम घरागमणे निवारेयव्वो। राइणा भणियं—एवं, जहा तुज्झ रोयए, परं कहेह को पुण एस वुत्तंतो? तओ कहिओ माहवीए। रुट्टो राया अयलोवरि। भणियं च—भो! मम एईए नयरीए एयाइं दोन्नि रयणाइं ताइं पि खलीकरेइ? एसो तओ हक्कारिय अंबाडिओ भणिओ—रे! तुमं एत्थ राया जेण एवंविहं ववहरसि? ता निरूवेहिं संपयं सरणं, करेमि तुह पाणविणासं। देवदत्ताए भणियं—सामि! किमेइणा सुणहपाएण पडिखद्धेणं? ति, ता गुंचह एवं। राइणा भणिओ— रे! एईए महाणुभावाए वयणेणं छुट्टो संपयं, सुद्धी उण तेणेवेह आणिएणं भविस्सई। तओ चलणेसु निवडिऊण निग्गओ रायउलाओ। आढत्तो गवेसिउं दिसोदिसिं। तहावि न लद्धो।

तओ तीए चेव ऊणिमाए भरिऊण भंडस्स वहणाइं पत्थिओ पारसउलं। इओ य मूलदेवेण पेसिओ लेहो कोसलियाइं च देवदत्ताए तस्स राइणो य। भणिओ य राया—मम पयईए देवदत्ताए उवरि महंतो पडिबंधो, ता जइ एईए अभिरुचियं तुम्ह वा रोयए ता कुणह रसायं, पेसेह एयं। ततो राइणा भणिया रायदोवारिगा—भो! किमेयमेवंविहं लिहियं विक्कमराएणं? किं अम्हाणं तत्स य कोइ अत्थि विसेसो? रज्जं पि सव्वं तस्सेयं किं पुण देवदत्ता? परं इच्छउ सा। तओ इक्कारिया देवदत्ता कहिओ वुत्तंतो—ता जइ तुम्ह रोयए ताहे गम्मउ तस्स सगासं। तीए भणियं—महापसाओ, तुम्हाऽणुन्नायाण मणोरहा एए अम्हं। तओ महाविभवेणं पूइऊण पेसिया गया य। तेण वि महाविभूईए चेव पवेसिया। जायं

च परोप्परमेगरज्जं। अच्छए मूलदेवो तीए सह विसयसुहमणुहवंतो जिणभव-  
णबिंबकरणपूय-णतप्परो त्ति।

इओ य सो अयलो पारसउले विढविय घहुयदव्वं पवरं भंडं भरेऊण  
आगओ विन्नायडं। आवासिओ य बाहिं। पुच्छओ लोगो-किं नामाभिहा-  
णो एत्थ राया? कहियं च-विक्कमराओ त्ति। तओ हिरन्नसुवन्नमोत्तिया-  
णं थालं भरेऊण गओ राइणो पेक्खगो। दवावियं राइणा आसणं, निसन्नो  
पच्चमिन्नाओ य। अयलेण य न नाओ एसो। रन्ना पुच्छओ-कुओ सेट्ठी!  
आगओ? तेण भणियं -पारसउलाओ। रन्ना पूइएण अयलेण भणियं-सामि!  
पेसेह उवरिगो जो भंडं निरूवेह। तओ राइणा भणियं-अहं सयमेवागच्छामि। तओ  
पंचउलसहिओ गओ राया। दंसियं वहणेसु संख-फोप्फल-चंदणा-ऽगरु-मंजिट्टाइयं  
भंडं। पुच्छियं पंचउलसमक्खं राइणा-भो सेट्ठि एत्तियं चेव इमं? तेण भणियं  
-देव! एत्तियं चेव।

राइणा भणियं-करेह सेट्ठिस्स अद्धदाणं परं मम समक्खं तोलेह चोल्लए।  
तोलियाई पंचउलेण। भारेण य पायप्पहारेण य वंसवेहेण य लक्खियं  
मंजिट्टमाइमज्झगयं सारभंडं। राइणा उक्केल्लावियाइं चोल्लयाइं निरूवियाइं  
समंतओ, जाव दिट्ठं कत्थइ सुवन्नं कत्थइ रुप्पयं कत्थइ मणि-मोत्तिय-पवालाइ  
महग्घं भंडं। तं च दट्ठूण रुट्ठेण नियपुरिसाण दिन्नो आएसो-अरे! वंधइ पच्चक्खं  
चोरं इमं त्ति। वद्धो य थगथगिंतहियओ तेहिं। दाऊण रक्खवाले जाणेसु गओ  
राया भवणं। सो वि आणिओ आरक्खिणेण रायसमीवं। गाढं वद्धं च दट्ठूण  
भणियं राइणा-रे! छोडेह छोडह। छोडिओ अणेहिं। पुच्छओ।

राइणा-परियाणेसि नमं? तेण भणियं-देव! सयलपुहविविक्खाए महा-  
णरिंदे को न याणइ? राइणा भणियं-अलं उवयारभासणेहिं, फुडं साहसु जइ  
जाणसि। अयलेण भणियं-देव! ण याणामि सम्मं। तओ राइणा वाहराविया  
देवदत्ता। आगया वरच्छर व्व सव्वंगभूसणधरा विन्नाया अयलेण। लज्जिओ  
मणम्मि वाढं। भणियं च तीए-भो! एस सो मूलदेवो जो तुमे भणिओ तम्मि  
काले-ममावि कयाइ विहिजोगेण वसणं पत्तस्स उवयारं करेज्जइ, ता एस सो



अवसरो, मुक्को य तुमं अत्थसरीरसंसयमावन्नो वि पणयदीणजणवच्छलेण राइणा संपयं। इमं च सोऊण विलक्खमाणसो 'महापसाओ' त्ति भणिऊण निवडिओ राइणो देवदत्ताए य चलणेसु। भणियं च—कयं मए जं तथा सयल-जणनिव्वुइकरस्स नीसेसकलासोहियस्स देवस्स निम्मलसहावस्स पुन्निमा-चंदस्सेव राहुणा कयत्थणं ता तं खमउ मम सामी, तुम्ह कयत्थणामरिसेण महाराओ वि न देइ मे उज्जेणीए पवेसं।

मूलदेवेण भणियं—खमियं चेव मए जस्स तुह देवीए कओ पसाओ। तओ सो पुणो वि निवडिओ दोणह वि चलणेसुं परमायरेण णहाविओ जेमा-विओ य देवदत्ताए परिहाविओ महग्घवत्थे। राइणा मुक्कं दाणं। पेसिओ उज्जेणिं। मूलदेवराइणो अब्भत्थणाए खमियं वियारधवलेण। निग्घणसम्मो वि रज्जे निविट्ठं सोऊण मूलदेवं आगओ विन्नायडं। दिट्ठो राया। दिन्नो सो चेव अदिट्ठसेवाए गामो तस्स रन्ना। पणमिऊण 'महापसाओ' त्ति भणिऊण य सो गओ गामं। इओ य तेण कप्पडिएण सुयं—जहा मूलदेवेण वि एरिसो सुमिणो दिट्ठो जारिसो मए, परं सो आएसफलेण राया जाओ। सो चिंतेइ—वच्चामि जत्थ गोरसो, तं पिवित्ता सुवामि जाव तं सुविणं पुणो पेच्छामि। अवि सो तं पुण पेच्छेज्ज। न य माणुसाओ विभासा।।

१२

## महाराष्ट्री श्लोक संग्रह

अभिज्ञानशकुन्तलम्

ईसीसि-चुम्बिआइं भमरेहिं सुउमार-केसर-सिहाइं ।  
ओदंसयन्ति दअमाणा पमदाओ सिरीसकुसुमाइं ॥ १ ॥

उगलिअदब्भकवला मिआ परिच्चत्तणच्चणा मोरा ।  
ओसरिअ पण्डुपत्ता मुअन्ति अस्सू विअ लदाओ ॥ २ ॥

तुज्झ ण आणे हिअअं, मम उण मअणो दिवा वि रत्तिं वि ।  
णिङ्किव! दावइ वलिअं, तुह हत्थमणोरहाइं अङ्गाइं ॥ ३ ॥

अहिणव-महु-लोजुवो तुमं तह परिचुम्बिअ चूअमञ्जरिं ।  
कमलवसइमेत्तणिव्वुदो महुअर विम्हरिओसि णं कहं ॥ ४ ॥

अरिहसि मे चूअंगुर! दिण्णो कामस्स गहिदचावस्स ।  
पहिअजणजुअइलक्खो पञ्चन्तरिओ सरो होदुं ॥ ५ ॥



१३

## विदूषक-विलापः

अभिज्ञानशकुन्तलम्

विदूषक-भो हदोमिह। एदस्स मिअआ-सीलस्स रण्णो वअस्सभावेण णिव्विण्णो।  
'अअं मिओ, अअं वराओ' त्ति मज्झन्दिणे वि गिम्हे विरल-पादव-च्छाआसु  
वण-राईसुं वणराईसुं आहिण्डअ, पत्त-सङ्कर-कसाअ-विरसाइं उण्ह-कडुआइं  
पिज्जन्ति गिरि-णई-सलिलाइं। अणिअदवेलं च उण्हण्हं मंसं भुज्जीअदि।  
तुरअ-गआणं च सहेण रत्तिं पि णत्थि पकाम-सुइदव्वं।

महन्ते ज्जेव पच्चूसे दासीए पुत्तेहिं सअणि-लुद्धेहिं कणीवघादिण  
वणगमण-वणगमण कोलाहलेण पवोधआमि। एत्तिकेणावि दाव पीडा ण  
वुत्ता जदो गण्डस्स उवरि विप्फोडओ संवुत्तो। जेण किल अम्हेसुं अवहीणेसुं  
तत्थ-भवदा मिआणुसारिणा अस्समपदं पविट्टेण मम अधण्णदाए सउत्तला  
णाम का वि तावसकण्णआ दिट्ठा। तं पेक्खिअ संपदं णअर-गमणस्स  
कथं पि ण करेदि एदं जेव चिन्तअन्तस्स मम पहादा अच्छीसुं रअणी। ता का  
गदी? जाव णं किदाआरपरिकम्मं पिअ-वअस्सं पेक्खामि। एसो वाणासण-हत्थो  
हिअअ-णिहिदपिअ-अणो वण-पुप्फ-माला-धारी इदो ज्जेव आअच्छदि  
पिअवअस्सो। भोदु अङ्गा-मह-विअलो भविअ चिट्ठिस्सं। एवं पि णाम विस्सामं  
लहेअं ति।



१४

## राज्ञःसमीपे धीवरस्यानयनम्

अभिज्ञानशाकुन्तलम् – षष्ठोऽङ्कः

(ततः प्रविशति नागरिकः श्यालः पश्चाद्बद्धपुरुषमादाय रक्षिणौ च।)

रक्षिणौ – (ताडयित्वा।) अले कुम्भिलआ, कहेहि कहिं तुए एशे मणिबन्धणु- किण्णणामहेए लाअकीए अङ्गुलीअए शमाशादिए।

पुरुषः – (भीतिनाटितकेन।) पशीदन्तु भावमिशशे। हगे ण ईदिशकम्मकाली।

प्रथमः – किं खु सोहणे बह्मणेत्ति कलिअ लण्णा पडिग्गहे दिण्णे।

पुरुषः – सुणथ दाणिं। हगे शक्कावदालब्भन्तलवाशी धीवले।

द्वितीयः – पाडच्चला, किं अहोहिं जादी पुच्छदा।

श्यालः – सूअअ, कहेदु शव्वं अणुक्कमेण। मा णं अन्तरा पडिबन्धह।

उभौ – जं आवुत्ते आणवेदि कहेहि।

पुरुषः – अहके जालुग्गालादीहिं मच्छबन्धणोवाएहिं कुडुम्बभलणं कलेमि।

श्यालः – (विहस्य।) विसुद्धो दाणिं आजीवो।

पुरुषः – शहजे किल जे विणिन्दिए ण हु दे कम्म विवज्जणीअए।

पशुमालणकम्मदालुणे अणुकम्पाभिदु एव्व शोत्तिए ॥ १ ॥

श्याहः — तदो तदो।

पुरुषः — एक्कशिश दिअशे खण्डशो लोहिअमच्छे मए कप्पिदे जाव। तशश उदलब्भन्तले एदं लदणभाशुलं अङ्गुलीअअं देक्खिजं पच्छा अहके शे विक्कआअ दंशअन्ते गहिदे भावमिशेहिं। मालेह वा मुश्रेह वा। अअं शे आअमवुत्तन्ते।

श्यालः — जाणुअ, विस्सगन्धी गोहादी मच्छबन्धो एव्व णिस्संसअं। अङ्गुलीअअदंसणं से विमरिसिदव्वं। राउलं एव्व गच्छामो।

रक्षिणौ — तह। गच्छ अले गण्ठभेदअ।

(सर्वे परिक्रामन्ति।)

श्यालः — सूअअ, इमं गोपुरदुआरे अप्पमत्ता पडिवालह जाव इमं अङ्गुलीअअं जहागमणं भट्टिणो णिवेदिअ तदो सासणं पडिच्छअणिक्कमामि।

उभौ — पविशदु आवुत्ते शामिपशादशश।

(इति निष्क्रान्तः श्यालः।)

प्रथमः — जाणुअ, चिलाअदि क्खु आवुत्ते।

द्वितीयः — णं अवशलोवशप्पणीआ लाआणो।

प्रथमः — जाणुअ, फुल्लन्ति मे हत्था इमशश वज्झशश शुमणो पिणद्धं। (इति पुरुषं निर्दिशति।)

पुरुषः — ण अलुहदि भावे अकालणमालणे भविदुं।

द्वितीयः — (विलोक्य।) एशे अम्हाणं शामी पत्तहत्थे लाअशाशणं पडिच्छअ इदोमुहे देक्खीअदि। गिद्धबली भविशशशि, शुणो मुहं वा देक्खिशशशि।

(प्रविश्य।)

श्यालः — सुअअ, मुञ्जेदु एसो जालोअजीवी। उववण्णो क्खु अङ्गुलीअस्स आअमो।

सूचकः — जह आवुत्ते भणादि।

द्वितीयः — एशे जमशदणं पविशिअ पडिणिवुत्ते। (इति पुरुषं परिमुक्त-  
बन्धनं करोति।)

पुरुषः — (श्यालं प्रणम्य) भट्टा, अह कीलिशे मे आजीवे।

श्यालः — एसो भट्टिणा अङ्गुलीअअमुल्लसम्मिदो पसादो वि दाविदो।  
(इति पुरुषायार्थं प्रयच्छति।)

पुरुषः — (सप्रणामं प्रतिगृह्य।) भट्टा, अणुग्गहीदह्नि।

सूचकः — एशे णाम अनुग्गहिदे जे शूलादो अवदालिअ हत्थिक्खन्थे  
पडिट्ठाविदे।

जानुकः — आवुत्त, पालिदोशिअं कहेदि। तेण अङ्गुलीअएण भट्टिणो  
शम्मदेण होदव्वं।

श्यालः — ण तस्सि महारुहं रदणं भट्टिणो बहुमदं त्ति तक्केमि। तस्स  
दंसणेण भट्टिणो अभिमदो जणो सुमराविदो। मुहुत्तअं पकिदिगम्भीरो वि  
पज्जुस्सुअणअणो आसि।

सूचकः — शेविदं णाम आवुत्तेण।

जानुकः — णं भणाहि। इमशश कए मच्छिआभत्तुणोत्ति।  
(इति पुरुषमसूयया पश्यति।)

पुरुषः — भट्टालके, इदो अब्बं तुम्हाणं शुमणोमुल्लं होदु।

जानुकः — एत्तके जुज्जइ।

श्यालः — धीवर, महत्तरो तुमं पिअवअस्सओ दाणिं मे संवुत्तो। कादम्बरीसक्खिअं  
अम्हाणं पढमसोहिदं इच्छीअदि। ता सोण्डिआपणं एव्व गच्छामो।

(इति निष्क्रान्ताः सर्वे।)

## टिप्पणी (Notes)







भोगीलाल लहेरचन्द इन्स्टीट्यूट ऑफ इण्डोलॉजी, दिल्ली



राष्ट्रीय संस्कृत संस्थान, नई दिल्ली मानित विश्वविद्यालय